

四庫全書

子部

欽定四庫全書

黃帝內經素問卷十五

唐 王冰 次註

宋 林億等校正

皮部論

經絡論

氣穴論

氣府論

皮部論篇第五十六

新校正云按全元起本在第二卷

黃帝問曰余聞皮有分部脉有經紀筋有結絡骨有度量其所生病各異別其分部左右上下陰陽所在病之

始終願聞其道岐伯對曰欲知皮部以經絡為紀者諸

經皆然

循經脉行止所主則皮部可知諸經謂十二經脉也十二經脉皆同陽明之陽名

曰害蜚

蜚生化也害殺氣也殺氣行則生化弭故曰害蜚

上下同法視其部中

有浮絡者皆陽明之絡也

上謂手陽明下謂足陽明也

其色多青則

痛多黑則痺黃赤則熱多白則寒五色皆見則寒熱也

絡盛則入客於經陽主外陰主內

陽為陽絡陰為陰絡此通言之也手足身

分所見經絡皆然

少陽之陽名曰樞持

樞謂樞要持謂執持

上下同法視

其部中有浮絡者皆少陽之絡也絡盛則入客於經

故在陽者主內在陰者主出以滲於內諸經皆然太陽

之陽名曰闕樞

闕司外動以靜鎮為事如樞之運則氣和平也

上下同法視其

部中有浮絡者皆太陽之絡也絡盛則入客於經少陰

之陰名曰樞儒

儒順也守要而順陰陽開闔之用也新校正云按甲乙經儒作樞

上下

同法視其部中有浮絡者皆少陰之絡也絡盛則入客

於經其入經也從陽部注於經其出者從陰內注於骨

心主之陰名曰害肩

心主脉入掖下氣不和則妨害肩掖之動運

上下同法

視其部中有浮絡者皆心主之絡也絡盛則入客於經

太陰之陰名曰關蟄

關閉蟄類使順行藏
校正云按甲乙經蟄作執

上下同

法視其部中有浮絡者皆太陰之絡也絡盛則入客於

經部皆謂本經絡之所
部分浮謂浮息也

凡十二經絡脉者皮之部也

列陰

陽位部主於皮
故曰皮之部也

是故百病之始生也必先於皮毛邪中

之則腠理開開則入客於絡脉留而不去傳入於經留

而不去傳入於府廩於腸胃

廩積也聚也

邪之始入於皮也

泝然起毫毛開腠理

泝然惡寒也起謂毛起豎也
腠理皆謂皮空及文理也

其入

於絡也則絡脉盛色變

盛謂盛滿變
謂易其常也

其入客於經也則

感虛乃陷下

經虛邪入故曰感虛
脈虛氣少故陷下也

其留於筋骨之間寒

多則筋攣骨痛熱多則筋弛骨消肉燂腠破毛直而敗

摩急也弛緩也消燂也鍼經曰寒則筋急熱則筋緩寒
勝為痛熱勝為氣消腠者肉之標故肉消則腠破毛直

而敗也

帝曰夫子言皮之十二部其生病皆何如岐伯曰

皮者脈之部也

脈氣留行各有陰陽氣隨經
所過而部主之故云脈之部

邪客於皮

則腠理開開則邪入客於絡脈絡脈滿則注於經脈經

脈滿則入舍於府藏也故皮者有分部不與而生大病

也

脈行皮中各有部分脈受邪氣隨則病生非由皮氣
而能生也新校正云按甲乙經不與作不愈全元

起本作不與元起云氣不與經脉和調則氣傷於外邪流入於內必生大病也帝曰善

經絡論篇第五十七

新校正云按全元起本在皮部論末王氏分

黃帝問曰夫絡脉之見也其五色各異青黃赤白黑不

同其故何也岐伯對曰經有常色而絡無常變也

經行氣故

色見常應於時絡主血故受邪則變而不一矣

帝曰經之常色何如岐伯曰心

赤肺白肝青脾黃腎黑皆亦應其經脉之色也帝曰絡

之陰陽亦應其經乎岐伯曰陰絡之色應其經陽絡之

色變無常隨四時而行也

順四時氣化之行止

寒多則凝泣凝泣

則青黑熱多則淖澤淖澤則黃赤此皆常色謂之無病

五色具見者謂之寒熱

淖濕也澤潤液也謂微濕潤也

帝曰善

氣穴論篇第五十八

新校正云按全元起本在第二卷

黃帝問曰余聞氣穴三百六十五以應一歲未知其所

願卒聞之岐伯稽首再拜對曰窘乎哉問也其非聖帝

孰能窮其道焉因請溢意盡言其處

孰誰也

帝捧手逡巡

而却曰夫子之開余道也目未見其處耳未聞其數而

目以明耳以聰矣

目以明耳以聰言心志通明迥如意也

岐伯曰此所謂

聖人易語良馬易御也帝曰余非聖人之易語也世言

真數開人意今余所訪問者真數發蒙解惑未足以論

也

開氣穴真數庶將解彼蒙昧之疑惑未足以論述深微之意也

然余願聞夫子溢志

盡言其處令解其意請藏之金匱不敢復出

言其處謂穴俞所處

岐伯再拜而起曰臣請言之背與心相控而痛所治天

突與十椎及上紀

天突在頸結喉下同身寸之四寸中夾宛宛中陰維任脉之會低鍼取之

刺可入同身寸之一寸留七呼吸若灸者可灸三壯按今甲乙經經脉流注孔穴圖經當脊十椎下並無穴目恐

是七椎也此則督脉氣所主之上紀之處次如下說新校正云按甲乙經天突在結喉下五寸

上紀

者胃腕也

謂中腕也中腕者胃募也在上腕下同身寸之一寸居心蔽骨與齊之中手太陽少陽足

陽明三脉所生任脉氣所發也刺可入同身寸之一寸二分若灸者可灸七壯新校正云按甲乙經云任脉

之會也下紀者闕元也

闕元者少陽募也在齊下同身寸之三寸足三陰任脉之會刺可入

同身寸之二寸留七呼若灸者可灸七壯背胃邪繫陰陽左右如此其病前

後痛瀉胃脇痛而不得息不得卧上氣短氣偏痛

新校正云

按別本偏一作滿

脉滿起斜出尻脉絡胃脇支心貫鬲上肩加

天突斜下肩交十椎下

尋此支絡脉流注病形證悉是督脉支絡自尾骶出各上行斜

絡脇支心貫鬲上加天突斜之肩而下交於七椎新按正云詳自背與心相控而痛至此疑是骨空論文簡

脫誤

藏俞五十穴

藏謂五藏肝心脾肺腎非兼四形藏也俞謂井榮俞經合非背俞也然井

榮俞經合者肝之井也大敦也榮行間也俞太衝也經中封也合曲泉也大敦在足大指端去爪甲角如韭葉及三毛之中足厥陰脉之所出也刺可入同身寸之三
分留十呼若灸者可灸三壯行間在足大指之間脉動應手陷者中足厥陰脉之所流也新校正云按甲乙經留作流餘所流並作留刺可入同身寸之六分留
十呼若灸者可灸三壯太衝在足大指本節後同身寸之二寸陷者中新校正云按刺腰痛注云本節後內
間同身寸之二寸陷者中動脉應手足厥陰脉之所注也刺可入同身寸之三分留十呼若灸者可灸三壯
中封在足內踝前同身寸之一寸半新校正云按甲乙經云一寸陷者中仰足而取之伸足乃得之足厥
陰脉之所行也刺可入同身寸之四分留七呼若灸者可灸三壯曲泉在膝內輔骨下大筋上小筋下陷者中

屈膝而得之足厥陰脉之所入也刺可入同身寸之六分留十呼若灸者可灸三壯心包之井者中衝也榮勞宮也俞太陵也經間使也合曲澤也中衝在手十指之端去爪甲角如韭葉陷者中手心主脉之所出也刺可入同身寸之一分留三呼若灸者可灸一壯勞宮在掌中央動脉手心主脉之所流也刺可入同身寸之三留六呼若灸者可灸三壯太陵在掌後骨兩筋間陷者中手心主脉之所注也刺可入同身寸之六分留七呼若灸者可灸三壯間使在掌後同身寸之三寸兩筋間陷者中手心主脉之所行也刺可入同身寸之六分留七呼若灸者可灸七壯新校正云按甲乙經云灸三壯曲澤在肘內廉下陷者中屈肘而得之手心主脉之所入也刺可入同身寸之三分留七呼若灸者可灸三壯脾之井者隱白也榮大都也俞太白也經商丘也合陰陵泉也隱白在足大指之端內側去爪甲角如韭葉足太陰脉之所出也刺可入同身寸之一分留三呼

若灸者可灸三壯大都足大指本節後陷者中足太陰脉之所流也刺可入同身寸之三分留七呼若灸者可灸三壯太白在足內側核骨下陷者中足太陰脉之所注也刺可入同身寸之三分留七呼若灸者可灸三壯商丘在足內踝下微前陷者中足太陰脉之所行也刺可入同身寸之四分留七呼若灸者可灸三壯陰陵泉在膝下內側輔骨下陷者中伸足乃得之足太陰脉之所入也刺可入同身寸之五分留七呼若灸者可灸三壯肺之井者少商也榮魚際也俞大淵也經經渠也合尺澤也少商在手大指之端內側去爪甲角如韭葉者太陰脉所出也刺可入同身寸之一分留一呼若灸者可灸三壯新校正云按甲乙經作一壯魚際在手大指本節後內側散脉手太陰脉之所流也刺可入同身寸之二分留三呼若灸者可灸三壯太淵在掌後陷者中手太陰脉之所注也刺可入同身寸之二分留二呼若灸者可灸三壯經渠在寸口陷者中手太陰脉

之所行也刺可入同身寸之三分留三呼不可灸傷人
神明尺澤在肘中約上動脈手大陰脈之所入也刺可
入同身寸之三分留三呼若灸者可灸三壯腎之井者
涌泉也榮然谷也俞大谿也經復溜也新校正云按
甲乙經溜作留餘復溜字並同合陰谷也涌泉在足
心陷者中屈足撻指宛宛中足少陰脈之所出也刺可
入同身寸之三分留三呼若灸者可灸三壯然谷在足
內踝前起大骨下陷者中足少陰脈之所流也刺可入
同身寸之三分留三呼若灸者可灸三壯刺此多見血
令人立饑欲食太谿在足內踝後跟骨上動脈陷者中
足少陰脈之所注也刺可入同身寸之三分留七呼若
灸者可灸三壯復溜在足內踝上同身寸之二寸陷者
中新校正云按刺腰痛篇注云在內踝後上二寸動脈
足少陰脈之所行也刺可入同身寸之三分留三呼
若灸者可灸五壯陰谷在膝下內輔骨之後大筋之下
小筋之上按之應手屈膝而得之足少陰脈之所入也

刺可入同身寸之四分若灸者可灸三壯如是五藏之俞藏各五穴則二十五俞以左右脉具而言之則五十

穴府俞七十二穴

府謂六府非兼九形府也俞亦謂井

之井者竅陰也榮俠谿也俞臨泣也原丘虛也經陽輔也合陽陵泉也竅陰在足小指次指之端去爪甲角如

韭菜足少陽脉之所出也刺可入同身寸之一分留一呼新校正云按甲乙經作三呼若灸者可灸三壯

俠谿在足小指次指歧骨間本節前陷者中足少陽脉之所流也刺可入同身寸之三分留三呼若灸者可灸三

壯臨泣在足小指次指本節後間陷者中去俠入同身寸之一寸半足少陽脉之所注也刺可入同身寸之三

分新校正云按甲乙經作二分留五呼若灸者可灸三壯丘虛在足外踝下如前陷者中去臨泣同身寸

之三寸足少陽脉之所過也刺可入同身寸之五分留七呼若灸者可灸三壯陽輔在足外踝上新校正云

按甲乙經云外踝上四寸 輔骨前寸骨之端如前同身寸之三分所去立虛同身寸之七寸足少陽脉之所行也刺可入同身寸之五分留七呼若灸者可灸三壯陽陵泉在膝下同身寸之一寸衛外廉陷者中足少陽脉之所入也刺可入同身寸之六分留十呼若灸者可灸三壯脾之府胃胃之升者厲兌也榮內庭也俞陷谷也原衝陽也經解谿也合三里也厲兌在足大指次指之端去爪甲角如韭葉足陽明脉之所出也刺可入同身寸之一分留一呼若灸者可灸一壯內庭在足大指次指外間陷者中足陽明脉之所流也刺可入同身寸之三分留十呼 新校正云按甲乙經云作二十呼 若灸者可灸三壯陷谷在足大指次指外間本節後陷者中去內庭同身寸之二寸足陽明脉之所注也刺可入同身寸之五分留七呼若灸者可灸三壯衝陽在足跗上同身寸之五寸骨間動脉上去陷谷同身寸之三寸足陽明脉之所過也刺可入同身寸之三分留十呼若灸

者可灸三壯解谿在衝陽後同身寸之二寸半 新校
正云按甲乙經作一寸半刺瘡注作三寸半素問二注
不同當從甲乙經之說 腕上陷者中足陽明脉之所行
也刺可入同身寸之五分留五呼若灸者可灸三壯三
里在膝下同身寸之三寸髌骨外廉兩筋肉分間足陽
明脉之所入也刺可入同身寸之一寸留七呼若灸者
可灸三壯肺之府大腸大腸之井者商陽也榮二間也
俞三間也原合谷也經陽谿也合曲池也商陽在手大
指次指內側去爪甲角如韭葉手陽明脉之所出也刺
可入同身寸之一分留一呼若灸者可灸三壯二間在
手大指次指本節前內側陷者中手陽明脉之所流也
刺可入同身寸之三分留六呼若灸者可灸三壯三間
在手大指次指本節後內側陷者中手陽明脉之所注
也刺可入同身寸之三分留三呼若灸者可灸三壯合
谷在手大指次指歧骨之間手陽明脉之所過也刺可
入同身寸之三分留六呼若灸者可灸三壯陽谿在腕

中上側兩筋間陷者中手陽明脉之所行也刺可入同
身寸之三分留七呼若灸者可灸三壯曲池在肘外輔
屈肘兩骨之中手陽明脉之所入也以手拱臂取之刺
可入同身寸之五分留七呼若灸者可灸三壯心之府
小腸小腸之井者少澤也榮前谷也俞後谿也原腕骨
也經陽谷也合少海也少澤在手小指之端去爪甲下
同身寸之一分陷者中手太陽脉之所出也刺可入同
身寸之一分留二呼若灸者可灸一壯前谷在手小指
外側本節前陷者中手太陽脉之所流也刺可入同身
寸之一分留三呼若灸者可灸三壯後谿在手小指外
側本節後陷者中手太陽脉之所注也刺可入同身寸
之一分留二呼若灸者可灸一壯腕骨在手外側腕前
起骨下陷者中手太陽脉之所過也刺可入同身寸之
二分留三呼若灸者可灸三壯陽谷在手外側腕中銳
骨之下陷者中手太陽脉之所行也刺可入同身寸之
二分留三呼

新校正云按甲乙經作二呼

若灸者可

灸三壯少海在肘內大骨外去肘端同身寸之五分陷者中屈肘乃得之手太陽脉之所入也刺可入同身寸之二分留七呼若灸者可灸五壯心包之府三焦三焦之井者闕衝也榮液門也俞中渚也原陽池也經支溝也合天井也闕衝在手小指次指之端去爪甲角如韭葉手少陽脉之所出也刺可入同身寸之一分留三呼若灸者可灸三壯液門在手小指次指間陷者中手少陽脉之所流也刺可入同身寸之二分若灸者可灸三壯中渚在手小指次指本節後間陷者中手少陽脉之所注也刺可入同身寸之二分留三呼若灸者可灸三壯陽池在手表腕上陷者中手少陽脉之所過也刺可入同身寸之二分留六呼若灸者可灸三壯支溝在腕後同身寸之三寸兩骨之間陷者中手少陽脉之所行也刺可入同身寸之二分留七呼若灸者可灸三壯天井在肘外大骨之後同身寸之一寸兩筋間陷者中屈肘得之手少陽脉之所入也刺可入同身寸之一寸留

七呼若灸者可灸三壯腎之府膀胱膀胱之井者至陰也榮通谷也俞束骨也原京骨也經崑崙也合委中也至陰在足小指外側去爪甲角如韭葉是太陽脉之所出也刺可入同身寸之一分留五呼若灸者可灸三壯通谷在足小指外側本節前陷者中太陽脉之所流也刺可入同身寸之二分留五呼若灸者可灸三壯束骨在足小指外側本節後赤白肉際陷者中足太陽脉之所注也刺可入同身寸之三分留三呼若灸者可灸三壯京骨在足外側大骨下赤白肉際陷者中按而得之足太陽脉之所過也刺可入同身寸之三分留七呼若灸者可灸三壯崑崙在足外踝後腿骨上陷者中細脉動應手足太陽脉之所行也刺可入同身寸之五分留十呼若灸者可灸三壯委中在腘中央約文中動脉新校正云詳委中穴與甲乙經及刺瘡篇注痺論注同又骨空論云在膝解之後曲脚之中背面取之又熱穴論注刺熱篇注云在足膝後屈處足太陽脉之所入刺

可入同身寸之五分留七呼若灸者可灸三壯如是六府之俞府各六穴則三十六俞以左右脉具而言之則

七十
二穴熱俞五十九穴水俞五十七穴

並具水熱論中新校正云按熱俞

又見刺熱篇注

頭上五行行五五二十五穴

此亦熱俞之中

肥兩傍各五凡十穴

謂五藏之背俞也肺俞在第三椎下兩傍心俞在第五椎下兩傍肝

俞在第九椎下兩傍脾俞在第十一椎下兩傍腎俞在第十四椎下兩傍此五藏俞者各俠脊相去同身寸之

一寸半並足太陽脉之會刺可入同身寸之三分肝俞留六呼餘並留七呼若灸者可灸三壯俠脊數之則十

穴
大椎上兩傍各一凡二穴

今甲乙經經脉流注孔穴圖經並不載未詳何俞也

新校正云按大椎上傍無穴大椎目瞳子浮白二穴下傍穴名大杼後有故王氏云未詳

瞳子翳在目外去眚同身寸之五分手太陽手足少陽
三脉之會刺可入同身寸之三分若灸者可灸三壯浮
白在耳後入髮際同身寸之一寸足太陽少陽二脉之
會刺可入同身寸之三分若灸者可灸三壯左右言之
各二為
四也
兩髀厭分中二穴
謂環跳穴也在髀樞後足少陽太陽二脉之會刺可入同

身寸之一寸留二十呼若灸者可灸三壯
新校正云按王氏云在髀樞後按甲乙經云在髀樞中後當作中灸三壯甲乙
犢鼻二穴
在膝髌下髌上俠解大筋中足陽明脉氣所發刺可入同身寸

之六分若灸
耳中多所聞二穴
聽宮穴也在耳中珠子者可灸三壯

手太陽三脉之會刺可入同身寸之一分若灸者
新校正云按甲乙經云刺可入三分
眉本

二穴
橫竹穴也在眉頭陷者中足太陽脉氣所發刺可入同身寸之三分留六呼若灸者可灸三壯
完

骨二穴

在耳後入髮際同身寸之四分足太陽少陽之會刺可入同身寸之三分留七呼若灸者可灸

三壯

新校正云按甲乙

經云刺

可入二分灸七壯

頂中央一穴

風府穴也在頂上入髮際同身

寸之一寸大筋內宛宛中督脉陽維二經之會疾言其肉立起言休其肉立下刺可入同身寸之四分留三呼

灸之不幸使人瘡

枕骨二穴

銳陰穴也在完骨上枕骨下搖動應手足太陽少陰之會刺可入同

身寸之三分若灸者可灸三壯云按甲乙經云刺可入四分灸可五壯

新校正

上關二穴

經

所謂刺之則欬不能欠者也在耳前上廉起骨闕口有空手少陽足陽明之會刺可入同身寸之三分留七呼

若灸者可灸三壯刺

大迎二穴

在曲頤前同身寸之一寸三分骨陷者中動脉

足陽明脉氣所發刺可入同身寸之三分留七呼若灸者可灸三壯

下關二穴

鍼經所謂刺之則火

不能拔者也。在上關下耳前動脈下廉合口有空張口而閉足陽明少陽二脈之會刺可入同身寸之三分留七呼若灸者可灸三壯耳中有乾槌之不得灸也。新扶正云按甲乙經槌之作槌抵天柱二穴

在俠項後髮際大筋外廉陷者中足太陽脈氣所發刺可入同身寸之二分留六呼若灸者可灸三壯巨

虛上下廉四穴

上廉足陽明與大腸合也在膝膕鼻下新外廉同身寸之六寸足陽明脈氣所

發刺可入同身寸之八分若灸者可灸三壯下廉足陽明與小腸合也在上廉下同身寸之三寸足陽明脈氣

所發刺可入同身寸之三分若灸者可灸三壯新扶正云按甲乙經并刺熱篇注水熱穴注上廉在三里下

三寸此云膕鼻下六寸者蓋三里在膕鼻下三寸上廉又在三里下三寸故云六寸也曲牙二穴

頰車穴也在耳下曲頰端陷者中開口有空足陽明脈氣所發刺可入同身寸之三分若灸者可灸三壯也

天突一穴

已前釋也

天府二穴

在腋下同身寸之三寸臂臑內廉動脈手太陰脈氣所發

葉不可灸刺可入同身寸之四分留三呼

天牖二穴

在頸筋間缺盆上天容後天柱前完骨下髮際

上手少陽脈氣所發刺可入同身寸之一寸留七呼若灸者可灸三壯

扶突二穴

在頸當曲頰下

同身寸之一寸人迎後手陽明脈氣所發仰而取之寸可入同身寸之四分若灸者可灸三壯

天窻二

穴

在曲頰下扶突後動脈應手陷者中手太陽脈氣所發刺可入同身寸之六分若灸者可灸三壯

肩

解二穴

謂肩井也在肩上陷解中缺盆上大骨前手足少陽陽維之會刺可入同身寸之五分若灸者

可灸三壯

關元一穴

新校正云詳此已前釋云按甲乙經灸五壯

委陽二穴

三焦下輔俞也在臍中外廉兩筋間此足太陽之別絡刺可入同身寸之七分留五呼若

灸者可灸三壯
屈身而取之

肩貞二穴

在肩曲甲下兩骨解間肩髃
後陷者中手太陽脉氣所發

刺可入同身寸之八
分若灸者可灸三壯

瘖門一穴

在項髮際宛宛中入係
舌本督脉陽維二經之

會仰頭取之刺可入同身寸之四分不可灸灸之

令人瘖新拔正云按氣府注云去風府一寸齊一

穴

齊中也禁不可刺刺之使人齊中惡瘍
潰矢出者死不可治若灸者可灸三壯

胃俞十二穴

謂俞府或中神藏靈墟神封步廊左右則十二穴也俞
府在巨骨下俠任脉兩傍橫去任脉各同身寸之二寸
陷者中下五穴遞相去同身寸之一寸六分陷者中並
足少陰脉氣所發仰而取之刺可入同身寸之四分若
灸者可灸五壯
背俞二穴 大杼穴也在脊第一椎下兩傍相去
各同身寸之一寸半陷者中督脉別
絡手足太陽三脉氣之會刺可入同身
寸之三分留七呼若灸者可灸七壯

膈俞十二穴

謂

門中府周榮胃鄉天谿食竇左右則十二穴也 新校正
云按甲乙經作周榮胃鄉 雲門在巨骨下俠任脉傍
橫去任脉各同身寸之六寸 新校正云按水熱穴注
作胃中行兩傍與此文雖異處所無別 陷者中動脉
應手雲門中府相去同身寸之一寸餘五穴遮相去同
身寸之一寸六分陷者中並手太陰脉氣所發雲門食
竇舉臂取之餘並仰而取之雲門刺可入同身寸之七
分太深令人逆息中府刺可入同身寸之三分留五呼
餘寸可入同身寸之四分若灸者可灸五壯 新校正
云詳王氏以此十二穴并手太陰按甲乙經雲門乃手
太陰中府乃手足太陰之會周榮已 分肉二穴 在足外
下乃足太陰非十二穴並手太陰也 踝上絕
骨之端同身寸之三分筋肉分間陽維脉氣所發刺可
入同身寸之三分留七呼若灸者可灸三壯 新校正
云按甲乙經無分肉穴詳處所疑是陽輔在足外踝上
輔骨前絕骨端如前三分所又按刺腰痛注作絕骨之

端如後二分刺入五分
留十呼與此注小異

踝上橫二穴

內踝上者交信穴也
交信去內踝上

同身寸之二寸少陰前太陰後筋骨間足陰蹻之郄刺
可入同身寸之四分留五呼若灸者可灸三壯外踝上
附陽穴也附陽去外踝上同身寸之三寸太陽前少陰
後筋骨間陽蹻之郄刺可入同身寸之六分留七呼若
灸者可灸三壯
新校正
陰陽蹻四穴
陰蹻所生刺可入同身寸之四分留六呼若灸者可灸
三壯陽蹻穴是謂中脉陽蹻所生在外踝下陷者中
新校正云按刺腰痛篇注作在外踝下五分繆刺論注
云外踝下半寸可容爪甲刺可入同身寸之二分留七
呼若灸者可灸三壯
新校正云按甲乙
經留七呼作六呼刺腰痛篇注作十呼
水俞在諸分
分謂肉之分理
熱俞在氣穴
寫熱則
寒熱俞在兩骸厭
間治水取之
取之

中二穴

膝之骨厭中也

大禁二十五在天府下五寸

謂五

里穴也所以謂之大禁者謂其禁不可刺也鍼經云迎之五里中道而上五至而已五注而藏之氣盡矣故五

五二十五而竭其俞矣蓋謂此也又曰五里者尺澤之後五里與此文同

凡三百六十五穴

鍼之所由行也

新校正云詳自藏俞五十至此并重複共得三百六十六穴通前天突十推上紀

下紀共三百六十五穴除重複實有三百一十三穴

帝曰余已知氣穴之處遊鍼

之居願聞孫絡谿谷亦有所應乎

孫絡小絡也謂絡之支別者

歧伯

曰孫絡三百六十五穴會亦以應一歲以溢奇邪以通

榮衛榮衛稽留衛散榮溢氣竭血著外為發熱內為少

氣疾寫無怠以通榮衛見而寫之無問所會

榮積衛留內外相薄

者見其血絡當即寫之亦無問其脉之俞會

帝曰善願聞谿谷之會也岐伯

曰肉之大會為谷肉之小會為谿肉分之間谿谷之會

以行榮衛以會大氣

新校正云按甲乙經作以舍大氣

邪溢氣壅脉熱

肉敗榮衛不行必將為膿內銷骨髓外破大膿

熱過故致是

留於節湊必將為敗

若留於骨節之間津液所湊之處則骨節之間髓液皆潰為膿故必

敗爛筋骨而不得屈伸矣

積寒留舍榮衛不居卷肉縮筋

新校正云按全元起

本作寒肉縮筋

肋肘不得伸內為骨痺外為不仁命曰不足大

寒留於谿谷也

邪氣盛甚真氣不榮髓溢內消故為是也不足謂陽氣不足也寒邪外薄久積

淹留陽不外勝內消筋髓故曰不足大寒留於谿谷之中也

谿谷三百六十五穴會

亦應一歲其小痺淫溢循脉往來微鍼所及與法相同

若小寒之氣流行淫溢隨脉往來為痺病用鍼調者與常法相同爾

帝乃辟左右而起再拜

曰今日發蒙解惑藏之金匱不敢復出乃藏之金蘭之

室署曰氣穴所在岐伯曰孫絡之脉別經者其血盛而

當寫者亦三百六十五脉並注於絡傳注十二絡脉非

獨十四絡脉也

十四絡者謂十二經絡兼任脉督脉之絡也脾之大絡起自於脾故不并言之

也
內解寫於中者十脉

解謂骨解之中經絡也雖則別行然所受邪亦隨注寫於五藏

之脉左右各五故十脉也

氣府論篇第五十九

新校正云按全元起本在第二卷

足太陽脉氣所發者七十八穴

兼氣浮薄相通者言之當言九十三穴非七十

八穴也正經脉會發者七十八穴浮薄相通者一十五穴則其數也

兩眉頭各一

謂攢竹穴也所

在刺灸分壯與氣穴同法

入髮至頂三寸半傍五相去三寸

謂大抒風門各

二穴也所在刺灸分壯與氣穴同法本云入髮至頂三寸又注云寸同身寸也

新校正云按別

此注全別此注謂大抒風門各二穴所在灸刺分壯與此氣穴同法今氣穴篇中無風門穴而注言與同法此

注之非可見此非王氏之誤誤在後人詳此入髮至頂三寸半傍五相去三寸蓋是說下文浮氣之在皮中五行行五之穴故王都不解釋直云寸為同身寸也但以頂誤作項剩半字耳所以言入髮至頂者自入髮顙會穴至頂百會凡三寸自百會後至後頂又三寸故云入髮至頂三寸傍五者為兼四行傍數有五行也相去三寸者蓋謂自百會頂中數前後左右各三寸有五行行五共二十五穴也後人誤認將頂為項以為大抒風門此甚誤也况大抒在第一推下兩傍風門又在第二推下上云髮際非止三寸半也其誤甚明其浮氣

在皮中者凡五行行五五二十五

之浮氣謂氣浮而通之可以去熱者也

五行謂頭上自髮際中同身寸之二寸後至頂之後者也二十五者其中行則顙會前頂百會後頂強間五督脉氣也次俠傍兩行則五處承光通天絡却王枕各五本經氣也又次傍兩行則臨泣目窓正營承靈腦空各

五足少陽氣也兩傍四行各五則二十穴中行
五則二十五也其刺灸分壯與水熱穴同法
項中大

筋兩傍各一

謂天柱二穴也所在刺

風府兩傍各一

謂

池二穴也刺灸分壯與氣穴同法
經風池足少陽陽維之會非太陽之所發也經言風府
兩傍乃天柱穴之分位此亦復明上項中大筋兩傍穴
也此注刺出風池二穴於九十三數外更刺前大杼風
門及此風
池六穴也
俠背以下至尻尾二十一節十五間各一

間各一者今中誥孔穴圖經所存者十三穴左右共一
十六謂附分魄戶神堂譙譙鬲闕魂門陽綱意舍胃倉
盲門志室胞育秩邊十三也附分在第二椎下附項內
廉兩傍各相去俠脊同身寸之三寸足太陽之會刺可
入同身寸之八分若灸者可灸五壯魄戶在第三椎下
兩傍上直附分足太陽脉氣所發下十二穴並同正坐

取之刺可入同身寸之五分若灸者如附分法神堂在第五椎下兩傍上直魄戶刺可入同身寸之三分灸同附分法諱諱在第六椎下兩傍上直神堂新校正云按骨空論注云以手厭之令病人呼諱諱之聲則指下動矣刺可入同身寸之六分留七呼灸如附分法鬲關在第七椎下兩傍上直諱諱正坐開肩取之刺可入同身寸之五分若灸者可灸三壯新校正云按甲乙經可灸五壯魂門在第九椎下兩傍上直鬲關正坐取之刺灸分壯如鬲關法陽綱在第十椎下兩傍上直魂門正坐取之刺灸分壯如魂門法意舍在第十一椎下兩傍上直陽綱正坐取之刺灸分壯如陽綱法胃倉在第十二椎下兩傍上直意舍刺灸分壯如意舍法育門在第十三椎下兩傍上直胃倉刺同胃倉可灸三十壯新校正云按育門灸三十壯與甲乙經同水穴注作灸三壯志室在第十四椎下兩傍上直育門正坐取之刺灸分壯如魄戶法胞育在第十九椎下兩傍上直

志室穴而處之刺灸分壯如魄戶法 新校正云按志
室胞育灸如魄戶五壯甲乙經作三壯水穴注亦作三
壯熱穴法志室亦作三壯扶邊在第二十一推下
兩傍上直胞育伏而取之刺灸分壯如魄戶法 五藏

之俞各五六府之俞各六

肺俞在第三椎下兩傍俠脊
相去各同身寸之一寸半刺

可入同身寸之三分留七呼若灸者可灸三壯心俞在
第五椎下兩傍相去及刺如肺俞法留七呼肝俞在第九
椎下兩傍相去及刺如心俞法留六呼脾俞在第十一
椎下兩傍相去及刺如肝俞法留七呼腎俞在第十四
椎下兩傍相去及刺如脾俞法留七呼膽俞在第十椎
下兩傍相去如肺俞法正坐取之刺可入同身寸之五
分留七呼胃俞在第十二椎下兩傍相去及刺如脾俞
法留七呼三焦俞在第十三椎下兩傍相去及刺如膽
俞法大腸俞在第十六椎下兩傍相去及刺如肺俞法
留六呼小腸俞在第十八椎下兩傍相去及刺如心俞

法留六呼勝腕俞在第十九椎下兩傍相去及刺如腎
俞法留六呼五藏六府之俞若灸者並可灸三壯新
校正云詳或者疑經中各五各六以各字為誤者非也
所以言各者謂左右各五各六非謂每藏府而各五各
六委中以下至足小指傍各六俞

謂委中崑崙脊骨通谷至陰六穴也

左右言之則十二俞也其所在刺灸如氣穴法經言脉
氣所發者七十八穴今此所有兼亡者九十三穴由此
則大數差錯傳寫有誤也新校正云詳王氏云兼亡
者九十三穴今兼大杼風門風池為九十九穴以此王
氏總數計之明知此
三穴後之妄增也足少陽脉氣所發者六十二穴兩

角上各二

謂天衝曲鬢左右各二也天衝在耳上如前
同身寸之三分足太陽少陽二脉之會刺可

入同身寸之三分若灸者可灸五壯曲鬢在耳上入髮
際曲陽陷者中鼓額有空足太陽少陽二脉之會刺灸

分壯如直目上髮際內各五謂臨泣目窓正營承靈腦

天衝法入髮際同身寸之五分足太陽少陽陽維三脉之會留

七呼目窓在臨泣後同身寸之一寸正營在目窓後同

身寸之一寸承靈在正營後同身寸之一寸半腦室在

承靈後同身寸之一寸半俠枕骨後枕骨上並足少陽

陽維二脉之會刺可入同身寸之四分餘並刺可入同

身寸之三分若灸者並可灸五壯新按正云按腦室在

枕骨後枕骨上甲

乙經作玉枕骨下耳前角上各一謂領厭二穴也在曲

手足少陽足陽明三脉之會刺可入同身寸之七

分留七呼若灸者可灸三壯刺深令人耳無所聞耳前

角下各一謂懸釐二穴也在曲角上顙額之下廉手足

分留七呼若灸者可灸三壯新按正云按

後手少陽中云角上此云角下必有一誤銳髮下各

銳髮下各

銳髮下各

一謂和髻二穴也在耳前銳髮下橫動脉手足少陽二脉之會刺可入同身寸之三分若灸者可灸三壯

新校正云按甲乙經云客主人客主人穴名也在手足少陽手太陽之會客主人客主人穴名也在

口有空手足少陽足陽明三脉之會刺可入同身寸之三分留七呼若灸者可灸三壯新校正云按甲乙經

及氣穴注刺禁並云手耳後陷中客一謂翳風二穴少陽足陽明之會與此異耳後陷中客一也在耳後陷

者中按之引耳中手足少陽二脉之會刺可入同身寸之三分若灸者可灸三壯下關各一

穴名也所在刺耳下牙車之後客一謂頰車一穴也刺灸氣穴同法

缺盆客一缺盆穴名也在肩上橫骨陷者中足陽明脉氣所發刺可入同身寸之二分留七呼若灸

者可灸三壯太深令人逆息新校正云按骨空注作手陽明掖下三寸脇下至臑

八間各一

掖下三寸同身寸也掖下謂淵液輒筋天池脇下至肘則日月章門帶脉五樞維道居髻

九穴也左右共十八穴也淵液在掖下同身寸之三寸

足少陽脉氣所發舉臂得之刺可入同身寸之三分禁

不可灸輒筋在掖下同身寸之三寸復前行同身寸之一寸搥脇新校正云按甲乙經搥作著下同足少

陽脉氣所發刺可入同身寸之六分若灸者可灸三壯

天池在乳後同身寸之二寸新校正云按甲乙經作

一寸掖下三寸搥脇直掖掖肋間手心主足少陽一脉

一會刺可入同身寸之三分新校正云按甲乙經作

七分若灸者可灸三壯日月膽募也在第三肋端橫

直心蔽骨傍各同身寸之二寸五分上直兩乳新校

正云按甲乙經云日月在期門下五分足太陰少陽

二脉之會刺可入同身寸之七分若灸者可灸五壯章

門脾募也在季肋端足厥陰少陽二脉之會側卧屈上

足伸下足舉臂取之刺可入同身寸之八分留六呼若

灸者可灸三壯帶脉在季肋下同身寸之一寸八分足少陽帶脉二經之會刺可入同身寸之六分若灸者可灸五壯五握在帶脉下同身寸之三寸足少陽帶脉二經之會刺可入同身寸之一寸若灸者可灸五壯維道在章門下同身寸之五寸三分足少陽帶脉二經之會刺灸分壯如章門法居髌在章門下同身寸之四寸三分髌骨上新枝正云按甲乙經作監骨陷者中陽踣足少陽二脉之會刺灸分壯如維道法所以謂之八間者自掖下三寸髀樞中傍各一謂環銚二穴也刺灸至季肋凡八肋骨髀樞中傍各一分壯氣穴同法新枝正云按氣穴論云兩髀厭分中王注為環銚穴又甲乙經注環銚在髀樞中今云髀樞中傍各一者蓋謂此穴在髀樞中也傍各一者謂左右各一膝以下至足小指一穴也非謂環銚在髀樞中傍也

次指各六俞

謂陽陵泉陽輔丘虛臨泣俠谿竅陰六穴也左右言之則十二俞也其所在刺灸分

壯氣穴
同法

足陽明脉氣所發者六十八穴額顙髮際傍各

三之懸顙在曲角上顙顙之中足陽明脉氣所發刺入

同身寸之三分留三呼若灸者可灸三壯陽白在眉上

同身寸之一寸直腫子足陽明陰維二脉之會刺可入

各同身寸之三分灸三壯頭維在額角髮際俠本神兩傍

入同身寸之五分禁不可灸新按正云按甲乙經陽

白足少陽陽維之會今王氏注云足陽明陰維之會詳

此在足陽明脉氣所發中則足陽明近是然陽明經面

不到此又不與陰維會疑王注非甲乙經為得矣

軌骨空各一

謂四白穴也在目下同身寸之一寸足陽

灸新校正云按甲乙

大迎之骨空各一

大迎穴名也在曲頰前同

身寸之一寸三分陷者中動脉足陽明脉氣所發人刺可入同身寸之三分留七呼若灸者可灸三壯

迎各一人迎穴名也在頸俠結喉傍大脉動應手足陽明脉氣所發刺可入同身寸之四分過深殺人

禁不灸缺盆外骨空各一伏骨之陷陷者中手足少陽陽

維三脉之會刺可入同身寸之八分若灸者可灸三壯新校正云按甲乙經伏骨作瑟骨

間各一謂膺窻等六穴也膺窻在胃兩傍俠中行各相去同身寸之四寸巨骨下同身寸之四寸八分

陷者中足陽明脉氣所發仰而取之刺可入同身寸之四分若灸者可灸五壯此穴之上又有氣戶庫房屋翳

下又有乳中乳根氣戶在戶骨下下直膺窻去膺窻上同身寸之四寸八分庫房在氣戶下同身寸之一寸六

分屋翳在氣戶下同身寸之三寸二分下即膺窻也膺窻之下即乳中也乳中穴下同身寸之一寸六分陷者

中則乳根穴也並足陽明脉氣所發仰而取之乳中禁不可灸刺灸刺之不幸生蝕瘡瘡中有清汁膿血者可治瘡中有瘕肉若蝕瘡者死餘五穴並刺可入同身寸之四分若灸者可灸三壯

新校正云按甲乙經灸五

壯
俠鳩尾之外當乳下三寸俠胃脘各五

謂不容承滿梁門闕門太

一五穴也左右共一寸也俠腹中行兩傍相去各同身寸之四寸

新校正云按甲乙經云各二寸疑此注刺各

字 不容在第四肋端下至太一各上下相去同身寸之一寸並足陽明脉氣所發刺可入同身寸之八分若灸者可灸五壯

新校正云按甲乙經不

俠齊廣三寸

各三

廣謂去齊橫廣也廣三寸者各如太一之遠近也各三者謂滑肉門天樞外陵也滑肉門在太一下

同身寸之一寸天樞在滑肉門下同身寸之一寸正當於齊外陵在天樞下同身寸之一寸並足陽明脉氣所

發天樞刺可入同身寸之五分留七呼滑肉門外陵各
刺可入同身寸之八分若灸者並可灸三壯 新校正
云按甲乙經天樞在齊傍各二寸上曰滑肉門下曰外
陵是三穴者去齊各二寸也今此經注云廣三寸素問
甲乙經不同然甲乙經分寸

下齊二寸俠之各三

下齊二寸

與諸書同特此經為異也
則外陵下同身寸之一寸大巨穴也各三者謂大巨水道歸來也大巨在外陵下同身寸之一寸足陽明脉氣所發刺可入同身寸之二寸半若灸者可灸五壯歸來在水道下同身寸之二寸刺可入同身寸之八分若灸者可灸五壯也
氣街動脉各一 氣街穴名也在歸來下鼠臑上同身寸之一寸脉動應手足陽明脉氣所發刺
可入同身寸之三分留七呼若灸者可灸三壯 新校正云詳此注與甲乙經同刺熱注及熱穴注云氣街在

腹臍下橫骨兩端鼠臛上刺禁論注在腹下俠齊兩傍相去四寸鼠臛上骨空注云在毛際兩傍鼠臛上諸注不同今伏菟上各一分中刺可入同身寸之六分若灸

者可灸三里以下至足中指各八俞分之所在穴空三

里上廉下廉解谿衝陽陷谷內庭厲兌八穴也左右言之則十六俞也上廉足陽明與大腸合下廉足陽明與小腸合也其所在刺灸分壯與氣穴同法所謂分之所

在穴空者足陽明脉自三里穴分而下行其直者循胫過跗入中指出其端則厲兌也其支者與直俱行至足跗上入中指次間故云分之所在穴空也之往也言分而各行往指手太陽脉氣所發者三十六穴目內眥各間穴空處也

一謂睛明二穴也在目內眥手足太陽足陽明陰陽

蹻五脉之會刺可入同身寸之一分留六呼若灸者

可灸三壯諸穴有云數脉會發而不於所會刺脉下言之者出從其正者也

目外各一

謂腫子膠

二穴也在目外去眥同身寸之五分手太陽手足少陽三脉之會刺可入同身寸之三分若灸者可灸三壯

顴骨下各一

謂顴膠二穴也顴頰也頰而顴也在面頰骨下陷者中手太陽少陽二脉之會刺可

入同身寸三分

耳郭上各一

謂角孫二穴也在耳上郭表之中間上髮際之下開口有空手

太陽手足少陽三脉之會刺可入同身寸之三分若灸者可灸三壯新校正云按甲乙經手太陽作手陽明

耳中各一

謂聽宮二穴也所在刺灸分壯與氣穴同法

巨骨穴各一

巨骨穴一名也在

肩端上行兩叉骨間陷者中手陽明臑脉三經之會刺可入同身寸之一寸半若灸者可灸三壯新校正云

按甲乙經作五壯

曲掖上骨穴各一

謂臑俞二穴也在肩臑後大骨下脾上廉陷者中手

太陽陽維陽三經之會舉臂取之刺可入同身寸之
八分若灸者可灸三壯 新校正云按甲乙經作手足
太陽柱骨上陷者各一 謂肩井二穴也在肩中缺

之會刺可入同身寸之 上天窻四寸各一 謂天窻竅陰
五分若灸者可灸三壯

刺灸分壯與 肩解各一 謂秉風二穴也在肩上小髃骨
氣穴同法 後舉臂有空手太陽陽明手足

少陽四脉之會舉臂取之刺可入同身寸之五分 肩解
若灸者可灸三壯 新校正云按甲乙經灸五壯

下三寸各一 謂天宗二穴也在秉風後大骨下陷者中
手太陽脉氣所發刺可入同身寸之五分

留六呼若灸 肘以下至手小指本各六俞 六俞所起於
者可灸三壯 指端經言至

小指本則以端為本言上之本也下文陽明少陽同也
六俞謂小海陽谷腕骨後谿前谷少澤六穴也左右言

之則十二俞也其所在刺灸分壯氣穴同法 新校正
云後此手太陽陽明少陽三經各言至手某指本王注
以端為本者非也詳手三陽之井穴盡出手某指之端
不甲下際此言本者是逆指小甲之本也安得以端為
哉 **大 手陽明脉氣所發者二十二穴鼻空外廉項上各二**

謂迎香扶突各二穴也迎香在鼻下孔傍手足陽明二
脉之會刺可入同身寸之三分扶突在曲頰下同身寸
之一寸人迎後手陽明脉氣所發仰而取之 **大迎骨空**
刺可入同身寸之四分若灸者可灸三壯

各一 者大迎穴名也在曲頰前同身寸之一寸三分骨陷
者中動脉足陽明脉氣所發刺可入同身寸之三
分留七呼若灸者可灸三壯 新校正云詳大迎穴已
見前足陽明經中今又見於此王氏不注所以當如顙
髑穴兩 **柱骨之會各一** 謂天鼎二穴也在頸缺盆上直
出之義 扶突氣舍後同身寸之半手陽

明脉氣所發刺可入同身寸之四分若灸者可灸三壯 新校正云按甲乙經作一寸半 髃骨之會

各一

謂肩髃二穴也所在刺灸分壯與氣穴同法 新校正云按髃骨氣穴注中無刺熱注水熱穴注骨

空論注肘以下至手大指次指本各六俞

謂三里陽谿合谷三間二

間商陽六穴也左右言之則十二俞也所在刺灸分壯與氣穴同法 新校正云按氣穴俞也有曲池而無三

里曲池手陽明之合也此誤出三里而遺曲池也

手少陽脉氣所發者三十二

穴軌骨下各一

謂顙髃二穴也所在刺灸分壯與手太陽脉同法此穴中手少陽太陽脉氣俱

會於中等無優劣故重說於此下有者同

眉後各一

謂絲竹空二穴也在眉後陷者中手少陽脉氣

所發刺可入同身寸之三分留六呼不可灸灸之不幸使人目小及盲 新校正云按甲乙經手少陽作足少

陽留六呼

角工各一

謂懸壺二穴也此與足少陽脉中同以是二脉之會也新校正云

按足少陽脉中言角下此云角上疑此誤

下完骨後各一

謂天牖二穴也所在刺灸分壯與氣

穴同項中足太陽之前各一

謂風池二穴也在耳後陷者中按之引於耳中手足

少陽脉之會刺可入同身寸之四分若灸者可灸三壯新校正云按甲乙經在顙額後髮際足少陽陽維之

會刺可入三分俠扶突各一

謂天窻二穴也在曲頰下扶突後動脉應手陷者中手太陽脉氣所

發刺可入同身寸之六分若灸者可灸三壯

肩貞各一

肩貞穴名也在肩曲臑下兩骨解間肩髃

後陷者中手太陽脉氣所發刺可入同身寸之八分若灸者可灸三壯

肩貞下三寸分間

各一肩髃謂肩髃膈會消灤各二穴也其穴各在肉分間也在肩端膈上斜舉臂取之手少陽脉氣所發

刺可入同身寸之七分若灸者可灸三壯膈會在胃前
廉去肩端同身寸之三寸手陽明少陽二絡氣之會刺
可入同身寸之五分灸者可灸五壯消灤在肩下臂外
關掖斜肘分下行間手少陽脉之會刺可入同身寸之
五分若灸者
肘以下至手小指次指本各六俞謂天井
可灸三壯

池中渚液門關衝六穴也左右言之則
十二俞也所在刺灸分壯與氣穴同法
督脉氣所發者

二十八穴
今少一穴 新校正云按會陽二穴為
二十九穴乃刺一穴非少也少當作刺
項中

央二
是謂風府瘡門二穴也悉在項中餘一穴今亡風
府在頂上入髮際同身寸之一寸大筋內宛宛中

督脉陽維之會刺可入同身寸之四分留三呼不可妄
灸灸之不幸令人瘡瘡門在項髮際宛宛中去風府同
身寸之一寸督脉陽維二經之會仰頭取之刺可入同
身寸之四分禁不可灸灸之令人瘡
新校正云按王

氏云風府瘡門悉在項中餘一穴今亡者非謂此二十
八穴中亡其一穴也王氏蓋見氣穴論大椎上兩傍各
一穴亦在項之穴也今髮際後中八謂神庭上星額會
亡故云餘一穴今亡也髮際後中八前頂百會後頂強
間腦戶八穴也其正髮際之中也神庭在髮際直鼻督
脉足太陽陽明脉三經之會禁不可刺若刺之令人顛
疾目失睛若灸者可灸三壯上星在顛上直鼻中央入
髮際同身寸之一寸陷者中谷豆額會在上星後同身
寸之一寸陷者中前頂在顛會後同身寸之一寸五分
骨間陷者中百會在前頂後同身寸之一寸五分頂中
央旋毛中陷容指督脉足太陽之交會後頂在百會後
同身寸之一寸五分強間在後頂後同身寸之一寸五
分腦戶在強間後同身寸之一寸五分督脉足太陽之
會不可灸此八者並督脉氣所發也上星百會強間腦
戶各刺可入同身寸之三分上星留六呼腦戶留三呼
餘並刺可入同身寸之四分若灸者可灸五壯新校

正云按甲乙經腦戶不可灸骨空論注云不可妄灸面中三

謂素膠水溝斷交三穴也素膠在鼻柱上

端督脉氣所發刺可入同身寸之三分水溝在鼻柱下人中直脣取之督脉手陽明之會刺可入同身寸之二

分留六呼若灸者可灸三壯斷交在脣內齒上斷縫督脉任脉二經之會可逆刺之入同身寸之三分若灸者

可灸三壯此三者正居面左右之中也

大椎以下至尻尾及傍十五穴

推脊

之間有大椎陶道身柱神道靈臺至陽筋縮中樞脊中懸樞命門陽關腰俞長強會陽十五俞也大椎在第一推上陷者中三陽督脉之會陶道在項大椎節下間督脉足太陽之會俛而取之身柱在第三椎節下間俛而取之神道在第五椎節下間俛而取之靈臺在第六椎節下間俛而取之至陽在第七椎節下間俛而取之筋縮在第九椎節下間俛而取之中樞在第十椎節下間俛而取之脊中在第十一椎節下間俛而取之禁不可

灸令人僂懸。摠在第十三椎節下間，伏而取之。陽關在第十六椎節下間，第十四椎節下間，伏而取之。陽關在第十六椎節下間，坐而取之。腰俞在第二十一椎節下間，長強在脊骶端，督脉別絡少陰二脉所結會。陽穴在陰尾骨兩傍，凡此十五者，並督脉氣所發。腰俞長強各刺可入同身寸之二分。新校正云：按甲乙經作二寸，水穴論注作二分。腰俞穴，繆刺論注作二寸，熱穴注作二寸，刺熱注作二分。諸注不同，雖甲乙經作二寸，疑大深與其失之深，不若失之淺，宜從二分之說。留七呼懸，摠刺可入同身寸之三分。會陽刺可入同身寸之八分，餘並刺可入同身寸之五分。陶道、神道各留五呼，陶道、身柱、神道、筋縮可灸五壯，大椎可九壯，餘並可三壯。新校正云：按甲乙經無靈臺中。至骶下凡二十一節，脊椎法也。通項骨，摠陽關三穴。三節即

二十節。任脉之氣所發者二十八穴。今少一穴。喉中央二。謂廉泉、天

突二穴也康泉在頷下結喉上舌本下陰維任脉之會
刺可入同身寸之三分留三呼若灸者可灸五壯天突
在頸結喉下同身寸之四寸中央宛宛中陰維任脉之
會低鍼取之刺可入同身寸之一寸留七呼若灸者可
灸三壯
膺中骨陷中各一謂璇璣華蓋鬲官玉堂臍中中
庭六穴也璇璣在天突下同身
寸之一寸華蓋在璇璣下同身寸之一寸紫宮玉堂臍
中中庭各相去同身寸之一寸六分陷者中並任脉氣
所發仰而取之各刺可入同身寸之三寸若灸者可灸五壯
鳩尾下三寸胃脘五寸

胃脘以下至橫骨六寸半一

新校正云詳
一字疑誤

腹脉法也

鳩尾

心前穴名也其正當心蔽骨之端言其骨垂下如鳩鳥
尾形故以為名也鳩尾下有鳩尾巨闕上脘中脘建里
下脘水分齊中陰交脾腧丹田關元中極曲骨十四俞
也鳩尾在臆前蔽骨下同身寸之五分任脉之別不可

灸刺人無藏骨者從歧骨除下行同身寸之一寸
校正云按甲乙經云一寸半為鳩尾處也 下次巨關上
腕中腕建里下腕水分遞相去同身寸之一寸上腕則
足陽明手太陽之會中腕則手太陽少陽足陽明三脉
所生也齊中禁不可刺若刺之使人齊中惡瘍潰矢出
者死不治陰交在齊下同身寸之一寸任脉陰衝之會
腓腓在齊下同身寸之一寸丹田三焦募也在齊下同
身寸之二寸關元小腸募也在齊下同身寸之三寸足
三陰任脉之會也中極在關元下一寸足三陰之會也
曲骨在橫骨上中極下同身寸之一寸足厥陰之會凡
此十四者並任脉氣所發建里丹田並刺可入同身寸
之六分留七呼 新校正云按甲乙經作五分十呼
上腕陰交並刺可入同身寸之八分下腕水分並刺可
入同身寸之一寸中腕腓腓並刺可入同身寸之一寸
二分曲骨刺可入同身寸之一寸半留七呼餘並刺可
入同身寸之一寸二分若灸者關元中腕各可灸七壯

齊中中柱曲骨各三壯餘並可五壯自鳩尾下至陰間
並任脉主之腹脉法也 新校正云據此注云餘並刺

入一寸 分關元在中與甲乙經及氣穴骨
室注刺入二寸不同當從甲乙經之寸數 下陰別一

謂會陰一穴也自曲骨下至陰陰之下兩陰之間則此
穴也是任脉別絡俠督脉者衝脉之會故曰下陰別一

也刺可入同身寸之二寸留七呼若灸者可灸
三壯 新校正云按甲乙經七呼作留三呼 目下各

一 謂承泣二穴也在目下同身寸之七分上直瞳子陽
一 陽任脉足陽明三經之會刺可入同身寸之三分不

可 下脘 一 謂承漿穴也在頤前下脘之下足陽明脉任
灸 脉之會開口取之刺可入同身寸之二分留

五呼若灸者可灸三壯 新 斷交一 斷交穴名也所在
校正云按甲乙經作留六呼 刺灸分壯與脉同

法 衝脉氣所發者二十二穴俠鳩尾外各半寸至齊寸

一謂幽門通谷陰都石闕商曲腎俞六穴左右則十二
穴也幽門俠巨闕兩傍相去各同身寸之半寸陷者
中下五穴各相去同身寸之一寸並衝脉足少陰二經
之會各刺可入同身寸之一寸若灸者可灸五壯新
校正云按此云各刺入一寸按
甲乙經云幽門通谷刺入五分
俠齊下傍各五分至橫

骨寸一腹脉法也

謂中注髓府胞門陰闕下極五穴左
右則十穴也中注在盲俞下同身寸

之五分上直幽門下四穴各相去同身寸之一寸並衝
脉足少陰二經之會各刺可入同身寸之一寸若灸者
可灸
五壯足少陰舌下厥陰毛中急脉各一穴在少陰舌下二
足少陰舌下二

中動脉前是日月本左右二也足少陰脉氣所發刺可
入同身寸之四分急脉在陰髦中陰上兩傍相去同身
寸之二寸半按之隱指堅然甚按則痛引上下也其左
者中寒則上引少腹下引陰九善為痛為少腹急中寒

此兩脉皆厥陰之大絡通行其中故曰厥陰急脉即畢之系可灸而不可刺病疵少腹痛即可灸 新校正云

詳舌下毛中之

手少陰各一

謂手少陰郄穴也在腕後同身寸之半寸手少陰郄

也刺可入同身寸之三分若灸者可灸三壯左右二也

陰陽蹻各一

陰蹻一謂交信穴也交信


在足內踝上同身寸之二寸少陰前太陰後筋骨間陰蹻之郄刺可入同身寸之四分留五呼若灸者可灸三壯陽蹻一謂附陽穴也附陽在足外踝上同身寸之三寸太陽前少陽後筋骨間謹取之陽蹻之郄刺可入同身寸之六分留七呼若灸者可灸三壯左右四也

手足諸魚際脉氣所發者凡

三百六十五穴也

經之所存者多凡一十九穴此所謂氣府也然散穴俞諸經脉部分皆有

之故經或不言而甲乙經經脉流注多少不同者以此



黃帝內經素問卷十五

黃帝內經素問卷十五釋文

皮部論蜚

扶沸切

腠

渠殞切

氣穴論蔽

必寐切

撻

音臠

臠

奴到切

府論顙

音信

諛

上音喜

顯

上音衣

顙

上如汝

車

輒切

志

音祕

頤

音仇

黃帝內經素問卷十五釋文

欽定四庫全書

子部

黃帝內經素問卷十八至

詳校官太醫院醫士臣趙正范

編修臣倉聖脈覆勛

總校官檢討臣何思鈞

校對官中書臣范鏊

謄錄監生臣曹方昇

欽定四庫全書

黃帝內經素問卷十六

唐 王冰 次注

宋 林億等校正

骨空論

水熱穴論

骨空論篇第六十

新校正云按全元起本在第二卷自灸寒熱之法已下在第六卷刺齊篇

末

黃帝問曰余聞風者百病之始也以鍼治之奈何

始初也

岐伯對曰風從外入令人振寒汗出頭痛身重惡寒

風中

身形則腠理閉密陽氣內拒寒復治在風府風府穴也在項上入

外勝勝拒相薄榮衛失所故如是

髮際同身寸之一寸宛宛中督脈足太陽之會刺可入

同身寸之四分若灸者可灸五壯新校正云按風府

注氣穴論氣府論中各已注與甲乙經同此注云督脈

足太陽之會可灸五壯者乃是風門熱府穴也當云督

脈陽維之會留三調其陰陽不足則補有餘則寫用鍼

呼不可灸乃是

必法天常盛寫大風頸項痛刺風府風府在上椎上椎

虛補此其常也

推上入髮際同大風汗出灸諛諛諛諛在背下俠脊傍

身寸之一寸

三寸所厭之令病者呼諛諛諛應手諛諛穴也在肩

椎下兩傍各同身寸之三寸以手厭之令病人呼諛諛

之聲則指下動矣足太陽脈氣所發刺可入同身寸之

之聲則指下動矣足太陽脈氣所發刺可入同身寸之

六分留七呼若灸者可灸

五壯諱諱者因聲爲名爾

從風憎風刺眉頭

謂攢竹穴也在眉頭

陷者中脉動應手足太陽脉氣所發刺可入同身寸之三分若灸者可灸三壯

失枕在肩上橫

骨間

謂缺盆穴也在肩上橫骨陷者中手陽明脉氣所發刺可入同身寸之二分留七呼若灸者可灸三

壯刺入深令人逆息

新校正云按氣府注作足陽明此云手陽明詳二經俱發於此故王注兩言之

折

使榆臂齊肘正灸脊中

榆讀爲搖謂搖動也然失枕非獨取肩上橫骨間乃當正形灸

脊中也欲而驗之則使搖動其臂屈折其肘自項之下橫齊肘端當其中間則其處也是曰陽關在第十六椎節下間督脉氣所發刺可入同身寸之五分若灸者可灸三壯

新校正云詳陽關穴甲乙經無

眇絡

季脇引少腹而痛脹刺諱

眇謂俠脊兩傍空軟處也少腹齊下也

腰痛

不可以轉搖急引陰郄刺八髎與痛上八髎在腰尻分

間

八或爲九驗真骨及中誥孔穴經正有八髎無九髎也分謂腰尻筋肉分間陷下處

鼠痿寒熱

還刺寒府寒府在附膝外解營

膝外骨間也屈伸之處寒氣喜中故名寒府也

解謂骨解營謂深刺而必中其營也

取膝上外者使之拜取足心者使之

跪

拜而取者使膝穴空開也跪而取之者令足心宛宛處深定也

任脉者起於中極之

下以上毛際循腹裏上關元至咽喉上頤循面入目

新校

正云按難經甲乙經無上頤循面入目六字

衝脉者起於氣街並少陰之經

新校正云按難經甲乙經作陽明

俠齊上行至胃中而散

任脉衝脉皆奇經也任脉

當齊中而上行衝脉俠齊兩傍而上行然中極者謂齊下同身寸之四寸也言中極之下者言中極從小腹之內上行而外出於毛際而上非謂本起於此也關元者謂齊下同身寸之三寸也氣街者穴名也在毛際兩傍鼠臕上同身寸之一寸也言衝脉起於氣街者亦從小腹之內與任脉並行而至於足乃循腹也何以言之鍼經曰衝脉者十二經之海與少陰之絡起於腎下出於氣街又曰衝脉任脉者皆起於胞中上循脊裏為經絡之海其浮而外者循腹各行會於咽喉別而絡唇口血氣盛則皮膚熱血獨盛則滲灌皮膚生毫毛由此言之則任脉衝脉從少腹之內上行至中極之下氣街之內明矣

新校正云按氣街與氣府論刺熱篇水熱穴篇刺禁論等注重文雖不同處

任脉爲病男子內結七疝女

所無別備注氣府論中

子帶下瘕聚衝脉爲病逆氣裏急督脉爲病脊強反折

督脉亦奇經也然任脉衝脉督脉者一源而三歧也故經或謂衝脉爲督脉也何以明之今甲乙及古經脉流注圖經以任脉循背者謂之督脉自少腹直上者謂之任脉亦謂之督脉是則以背腹陰陽別爲名目爾以任脉自胞上過帶脉貫脊而上故男子爲病內結七疝女子爲病則帶下癥聚也以衝脉俠齊而上並少陰之經上至胃中故衝脉爲病則逆氣裏急也以督脉上循脊裏故督脉爲病則脊強反折也

督脉者起

於少腹以下骨中央女子入繫廷孔

起非初起亦猶任脉衝脉起於胞中

也其實乃起於腎下至於少腹則下行於腰橫骨圍之中央也繫廷孔者謂竅漏近所謂前陰穴也以其陰廷繫屬於中
其孔溺孔之端也
孔則竅漏也竅漏之中其上有溺孔焉端謂陰廷在此溺孔之上端也而督脉自骨圍中央則至於是其絡循陰器合纂間繞纂後

督脉別絡自溺孔之端分而各行下循陰器乃合纂間也所謂間者謂在前陰後陰之兩間也自兩間之後已復分而行別繞臀至少陰與巨陽中絡者合少陰上股繞纂之後

內後廉貫脊屬腎

別謂別絡分而各行之於焦也足少陰之絡者自股內後廉貫脊屬腎足

太陽絡之外行者循滑樞絡股陽而下其中行者下貫腎至腠中與外行絡合故言至少陰與巨陽中絡合少陰上股內後廉貫脊屬腎也新校正云詳各行於焦疑焦字誤

與太陽起於目內眥

上額交巔上入絡腦還出別下項循肩髃內俠脊抵腰

中入循脊絡腎

接繞腎而上行也

其男子循莖下至纂與女子

等其少腹直上者貫齊中央上貫心入喉上頤環脣上

繫兩目之下中央

自與太陽起於目內眥下至女子等並督脉之別絡也其直行者自尻上

循脊裏而至於鼻下人中也自其少腹直上至兩目之下中央並任脉之行而云是督脉所繫由此言之則任脉衝

脉督脉名異而同體也

此生病從少腹上衝心而痛不得前後爲

衝疝

率此生病正是任脉經云爲衝疝者正明督脉以別主而異目也何者若一脉一氣而無陰陽之異

主則此生病者當心背俱痛豈獨衝心而爲疝乎

其女子不孕瘕瘕遺溺噎乾

亦以衝脉任脉並自少腹上至於咽喉又以督脉循陰器合纂間繞纂後別繞腎故不孕瘕瘕遺溺噎乾也所以謂之任脉者女子得之以任養也故經云此病其女子不孕也所以謂之衝脉者以其氣上衝也故經云此生病從少腹上衝心而痛也所以謂之督脉者以其督領經脉之海也由此三用故一源三歧經或通呼似相

謬引故督脉生病治督脉治在骨上甚者在齊下營此

亦

正任脉之分也衝任督三脉異名同體亦明矣骨上謂腰橫骨上髻際中曲骨穴也任脉足厥陰之會刺可入同身寸之一寸半若灸者可灸三壯齊下謂齊直下同身寸之一寸陰交穴任脉陰衝之會刺可入同身寸之

八分若灸者

可灸五壯其上氣有音者治其喉中央在缺盆中者

中謂缺盆兩間之中天突穴在頸結喉下同身寸之四寸中央宛宛中陰維任脉之會低鍼取之刺可入同身寸之一寸留七呼

若灸者可灸三壯其病上衝喉者治其漸漸者上俠頤

也陽明之脉漸上順而環脣故以俠頤名焉漸也是謂大迎大迎在曲頤前骨同身寸之一寸三分陷中動

脉足陽明脉氣所發刺可入同身寸之三分留七呼若灸者可灸三壯

蹇膝伸不屈治其

捷

寒膝謂膝痛屈伸蹇難也捷謂髀輔骨上橫骨下服外之中剛立搖動取之筋動應手

坐而膝

痛治其機

體骨兩傍相接處

立而暑解治其骸關

暑熱也若膝痛立而膝骨

解中熱者治其骸關骸關謂膝解也一經云起而引解言膝痛起立痛引膝骨解之中也著引二字其義則異

起立二字其意頗同

膝痛痛及拇指治其臑

臑謂膝解之後與脚之中委中穴背面取

之脉動應手足太陽脉之所入刺可入同身寸之五分留七呼若灸者可灸三壯

坐而膝痛如

物隱者治其關

關在臑上當捷之後背立按之以動搖筋應手

膝痛不可屈伸

治其背內

謂大杼穴也所在灸刺分壯與氣穴同法

連髻若折治陽明中俞

膠

若膝痛不可屈伸連髻痛如折者則鍼陽明脉中俞膠也是則正取三里穴也

若別治巨陽

少陰榮

若痛而膝如別離者則治足太陽少陰之榮也足太陽榮通谷也在足小指外側本節前陷者

中刺可入同身寸之二分留五呼若灸者可灸三壯足少陰榮然谷也在足內踝前起大骨下陷者中刺可入

同身寸之三分留三淫樂脛痠不能久立治少陽之維

呼若灸者可灸三壯新校正云按甲乙經外踝上五寸乃在外上五寸

足少陽之絡此云維者字之誤也酸痛而無力也五寸一云四寸中誥圖經外踝上四寸

無穴五寸是光明穴也足少陽之絡刺可入同身寸之七分留十呼若灸者可灸五壯正云按甲乙經云刺入六分留七呼

爲捷俠髌爲機膝解爲骸關俠膝之骨爲連骸骸下爲

輔輔上爲臑臑上爲關頭橫骨爲枕

由是則謂膝輔骨上腰髌骨下爲捷

捷上爲機膝外爲散關捷後爲開關下爲牕牕下爲輔骨輔骨上爲連散連散者是散骨相連接處也頭上之橫骨爲枕骨 水俞五十七穴者尻上五行行五伏菟上兩行

行五左右各一行行五踝上各一行行六穴

所在刺灸分壯具水

熱穴論中此皆是骨空故氣穴篇內與此重言爾

髓空在腦後三分在顱際銳

骨之下

是謂風府通腦中也

一在斷基下

當顱下骨陷中有穴容豆中諺名下顱

一

在項後中復骨下

謂瘡門穴也在項髮際宛宛中入系古本督脉陽維之會仰頭取之刺可

入同身寸之四分禁不可灸

一在脊骨上空在風府上

上謂腦戶穴也在枕骨上

大刺後同身寸之一寸五分宛宛中督脉足太陽之會此別腦之戶不可妄灸灸之不幸令人瘡刺可入同身

寸之三分留三呼
新校正云按甲乙經大羽者強問之別名氣府注云若灸者可灸五壯
脊骨下

空在尻骨下空

不應主療經闕其名
乙經長強在脊骶端正
新校正云按甲

云不應主療經闕其名得非誤乎

數髓空在面俠鼻

謂顙髆等穴經不一一指陳其處小小

者**或骨空在口下當兩肩**

謂大迎穴也所在刺灸分壯與前俠頤同法

兩髀

骨空在髀中之陽

近肩髃穴經無名

臂骨空在臂陽去踝四寸

兩骨空之間

在夫清上同身寸之一寸是謂通間
校正云按甲乙經支溝上一寸名三陽絡

通間豈其別名歟

股骨上空在股陽出上膝四寸

在陰市上俠菴穴下在承

捷**髌骨空在輔骨之上端**

謂犢鼻穴也在膝髌下髌骨上俠解大筋中足陽明脉氣

所發刺可入同身寸之六
分若灸者可灸三壯耳

股際骨空在毛中動下

經闕其名

尻骨空在髀骨之後相去四寸

是謂尻骨八髎穴也

扁骨有滲理

湊無髓孔易髓無空

扁骨謂尻間扁底骨也其骨上有滲灌文理歸湊之無別髓孔也易

亦也骨有孔則髓有孔
骨若無孔髓亦無孔也

灸寒熱之法先灸項大椎以年

爲壯數

如患人之年數也

次灸櫛骨以年爲壯數

尾窮謂之櫛骨

視背

俞陷者灸之

背肿骨陷有陷者也

舉臂肩上陷者灸之

肩髃穴也在肩端兩

骨間手陽明蹻脉之會刺可入同身寸之六分留六呼若灸者可灸三壯

兩季脇之間灸之

京門穴腎募也在髂骨與膈中季脇本俠脊刺可入同身寸之三分留七呼若灸者可灸三壯

外踝上

絕骨之端灸之

陽輔穴也在足外踝上輔骨前絕骨之端如前同身寸之三分所去丘虛七寸

足少陽脉之所行也刺可入同身寸之五分留七呼若灸者可灸三壯 新校正云按甲乙經云在外踝上四

寸 足小指次指間灸之

俠谿穴也在足小指次指歧骨間本節前陷者中足少陽脉之

所流也刺可入同身寸之三分留三呼若灸者可灸三壯 新校正云按甲乙經流當作留字 腓下陷

脉灸之

承筋穴也在腓中央陷者中足太陽脉氣所發也禁不可刺若灸者可灸三壯 新校正云按

刺腰痛篇注云腓中央如外陷者中

外踝後灸之

崑崙穴也在足外踝後跟骨上陷者中細脉動

應手足太陽脉之所行也刺可入同身寸之五分留十呼若灸者可灸三壯

缺盆骨上切之

堅痛如筋者灸之

經關其名當隨其所有而灸之

膺中陷骨間灸之

天突

穴也所在灸刺分壯
掌束骨下灸之
陽池穴也在手表腕上陷者中平少

陽脉之所過也刺可入同身寸之
二分留六呼若灸者可灸三壯
齊下關元三寸灸之

正在齊下同身寸之三寸也足三陰任脉之會刺可入
同身寸之二寸留七呼若灸者可灸七壯
新校正云

按氣府注云刺可
入一寸二分者非
毛際動脉灸之
以脉動應手爲處即氣街穴也
膝下

三寸分間灸之
三里穴也在膝下同身寸之三寸髌骨外廉兩筋肉分間足陽明脉之所入也

刺可入同身寸之一寸留
七呼若灸者可灸三壯
足陽明跗上動脉灸之
衝陽穴也

在足跗上同身寸之五寸骨間動脉足陽明脉之所過
也刺可入同身寸之三分留十呼若灸者可灸三壯

新校正云按甲乙經及全元起本足陽明下有灸之二字并跗上動脉是二穴今王氏去灸之二字則見二穴

今於注中却存灸之二字以開疑之

巔上一灸之

百會穴也在顛中央旋毛中陷容指督脉足太

陽脉之交會刺可入同身寸之三分若灸者可灸五壯

大所嚙之處灸之三壯即

以大傷病法灸之

大傷而發寒熱者即以大傷法三壯灸之

凡當灸二十九

處傷食灸之

傷食爲病亦發寒熱故灸足陽明不別灸則有二十八處疑王氏去

新校正云詳

上文灸之二字者非

不已者必視其經之過於陽者數刺其俞而

藥之

水熱穴論篇第六十一

新校正云按全元起本在第八卷

黃帝問曰少陰何以主腎腎何以主水歧伯對曰腎者

至陰也至陰者盛水也肺者太陰也少陰者冬脉也故

其本在腎其末在肺皆積水也

陰者謂寒也冬月至寒腎氣合應故云腎者至

陰也水王於冬故云至陰者盛水也腎少陰脉從腎上貫肝膈入肺中故云其本在腎其末在肺也腎氣上逆則水氣客於肺中故云皆積水也帝曰腎何以能聚水而生病岐伯曰

腎者胃之關也開門不利故聚水而從其類也

以開者所出

入也腎主下焦膀胱爲府主其分注開竅二陰故腎氣化則二陰通二陰開則胃填滿故云腎者胃之關也開則水積水積則氣停氣停則水生水生則氣溢氣水同類故云開閉不利聚水而從其類也靈樞經曰下焦溫爲水此之謂也上下溢於皮膚故爲胕腫胕腫者聚水而生

病也

上謂肺下謂腎肺腎俱溢故聚水於腹中而生病也

帝曰諸水皆生於腎乎

岐伯曰腎者牝藏也

牝陰也亦主陰位故云牝藏

地氣上者屬於腎

而生水液也故曰至陰勇而勞甚則腎汗出腎汗出逢

於風內不得入於藏府外不得越於皮膚客於玄府行

於皮裏傳爲臍腫本之於腎名曰風水

勇而勞甚謂力房也勞勇汗患

則玄府開汗出逢風則玄府復閉玄府閉已則餘汗未出內伏皮膚傳化爲水從風而水故名風水

所謂

玄府者汗空也

汗液色玄從空而出以汗聚於裏故謂之玄府府聚也

帝曰水俞

五十七處者是何主也岐伯曰腎俞五十七穴積陰之

所聚也水所從出入也尻上五行行五者此腎俞

背部之俞

凡有五行當其中者督脉氣所發
決兩傍四行皆足太陽脉氣也

故水病下爲跗腫大

腹上爲喘呼

水下居於腎則腹至足而胸腫上
入於肺則喘息責急而大呼也

不得卧

者標本俱病

標本者肺爲標腎爲本
此者是肺腎俱水爲病也

故肺爲喘呼腎

爲水腫肺爲逆不得卧

肺爲喘呼氣逆不得卧者以其
主呼吸故也腎爲水腫者以其

主水

故也分爲相輸俱受者水氣之所留也

分其居處以名
之則是氣相輸

應本其俱受病氣
則皆是水所留也

伏菟上各二行行五者此腎之街也

街謂道也腹部正俞凡有五行俠脊兩傍則腎藏足少
陰脉及衝脉氣所發決兩傍則胃府足陽明脉氣所發

此四行穴則三陰之所交結於脚也踝上各一行行六

者此腎脉之下行也名曰太衝

腎脉與衝脉並下行循足合而盛大故曰太衝

凡五十七穴者皆藏之陰絡水之所客也

經所謂五十七者然凡上

五行行五則背脊當中行督脉氣所發者脊中懸樞命門腰俞長強當其處也次俠督脉兩傍足太陽脉氣所發者有大腸俞小腸俞膀胱俞中脘內俞白環俞當其處也又次外俠兩傍足太陽脉氣所發者有胃倉盲門志室胞肓秩邊當其處也伏菟上各二行行五者腹部正俞俠中行任脉兩傍衝脉足少陰之會者有中注四滿氣穴大赫橫骨當其處也次俠衝脉足少陰兩傍足陽明脉氣所發者有外陵大巨水道歸來氣街當其處也踝上各一行行六者足內踝之上有足少陰陰驕脉並循腓上行足少陰脉有太衝復溜陰谷三穴陰驕脉

有照海交信築賓三穴陰蹻既足少陰脉之別亦可通而主之兼此數之隨少一穴脊中在第十一椎節下間俛而取之刺可入同身寸之五分不可灸令人僂懸拒在第十三椎節下間伏而取之刺可入同身寸之三分若灸者可灸三壯命門在第十四椎節下間伏而取之刺可入同身寸之五分若灸者可灸三壯腰俞在第二十一椎節下間刺可入同身寸之二分新校正云按甲乙經及經刺論注并熱穴注俱云刺入二寸而刺熱注氣府注并此注作二分宜從二分之說留七呼若灸者可灸三壯長強在脊骶端督脉別絡少陰所結刺可入同身寸之二分留七呼若灸者可灸三壯此五穴者並督脉氣所發也新校正云詳王氏云少一穴按氣府論注十二椎節下有陽關一穴若通數陽關則不少矣次俠督脉兩傍大腸俞在第十六椎下俠督脉兩傍去督脉各同身寸之一寸半刺可入同身寸之三分留六呼若灸者可灸三壯小腸俞在第十八椎下兩

傍相去及刺灸分壯法如大腸俞膀胱俞在第十九椎
下兩傍相去及刺灸分壯法如大腸俞中脘內俞在第二
十椎下兩傍相去及刺灸分壯法如大腸俞俠脊脇
肺起肉留十呼白環俞在第二十一椎下兩傍相去如
大腸俞伏而取之刺可入同身寸之五分若灸者可灸
三壯 新校正云按甲乙經云刺可入八分不可灸 此
五穴者並足太陽脉氣所發所謂腎俞者則此也又次
外兩傍胃倉在第十二椎下兩傍相去各同身寸之三
寸刺可入同身寸之五分若灸者可灸三壯盲門在第十
三椎下兩傍相去及刺灸分壯法如胃倉志室在第十
四椎下兩傍相去及刺灸分壯法如胃倉正坐取之
胞背在第十九椎下兩傍相去及刺灸分壯法如胃倉
伏而取之秩邊在第二十一椎下兩傍相去及刺灸分
壯法如胃倉伏而取之此五穴者並足太陽脉氣所發
也次伏菟上兩行中注在齊下同身寸之五分兩傍相
去任脉各同身寸之五分 新校正云按甲乙經同氣

府注云俠中行方一寸文異而義同 四滿在中注下同身寸之一寸氣穴在四滿下同身寸之一寸大赫在各橫相去同身寸之一寸橫骨在大赫下同身寸之一寸同身寸之一寸若灸者可灸五壯次外兩傍穴外陵在齊下同身寸之一寸 新校正云按氣府論注云外陵在天樞下一寸與此正同 兩傍去衝脉各同身寸之一寸半大巨在外陵下同身寸之一寸水道在大巨下同身寸之三寸歸來在水道下同身寸之三寸氣街在歸來下 新校正云按氣府注刺熱注熱穴注云在腹齊下橫骨兩端鼠臑上一寸刺禁注云在腹下俠齊兩傍相去四寸鼠僕上一寸動應手又骨空注云在毛際兩傍鼠臑下諸注不同今備錄之 鼠臑上同身寸之一寸各橫相去同身寸之二寸此五穴者並足陽明脉氣所發水道刺可入同身寸之二寸半若灸者可灸五壯氣街刺可入同身寸之三分留七呼若灸者可灸三

壯餘三穴並刺可入同身寸之八分若灸者並可五壯
所謂腎之街者則此也踝上各一行行六者大鍾在足
內踝後街中新校正云按甲乙經云跟後街中刺瘡
注刺腰痛注作跟後街中動脈此云內踝後此注非
足少陰絡別走太陽者刺可入同身寸之二分留三呼
若灸者可灸三壯復溜在內踝上同身寸之二寸陷者
中足少陰脈之所行也刺可入同身寸之三分留三呼
若灸者可灸五壯照海在內踝下刺可入同身寸之四
分留六呼若灸者可灸三壯交信在內踝上同身寸之
二寸少陰前太陰後筋骨間陰蹻之郄刺可入同身寸
之四分留五呼若灸者可灸三壯築賓在內踝上臑分
中陰維之郄刺可入同身寸之三分若灸者可灸五壯
陰谷在膝下內輔骨之後大筋之下小筋之上按之應
手屈膝而得之足少陰脈之所入也刺可入同身寸之
四分若灸者可灸三壯所謂腎
經之下行名曰太衝者則此也

帝曰春取絡脉分肉何

也歧伯曰春者木始治肝氣始生肝氣急其風疾經脉

常深其氣少不能深入故取絡脉分肉間帝曰夏取盛

經分腠何也歧伯曰夏者火始治心氣始長脉瘦氣弱

陽氣留溢

新校正云按別本留一作流

熱熏分腠內至於經故取盛

經分腠絕膚而病去者邪居淺也

絕謂絕破令病得出也

所謂盛

經者陽脉也帝曰秋取經俞何也歧伯曰秋者金始治

肺將收殺

三陰已升故漸將收殺

金將勝火陽氣在合

金王火衰故云金將

勝火陰氣初勝濕氣及體

以漸於雨濕霧露故云濕氣及體

陰氣未盛未

能深入故取俞以寫陰邪取合以虛陽邪陽氣始衰故

取於合

新校正云按皇甫士安云是謂始秋之治變

帝曰冬取井榮何也歧

伯曰冬者水始治腎方閉陽氣衰少陰氣堅盛巨陽伏

沈陽脉乃去

去謂下去

故取井以下陰逆取榮以實陽氣

新校

正云按全元起本實作遣甲乙經千金方作通

故曰冬取井榮春不軌

新校正云

按皇甫士安云是謂末冬之治變

此之謂也

新校正云按此與四時刺逆從論及診要經終論義

頗不同與九卷之義相通

帝曰夫子言治熱病五十九俞余論其意

未能領別其處願聞其處因聞其意歧伯曰頭上五行

行五者以越諸陽之熱逆也

頭上五行者當中行謂上星顙會前頂百會後頂次

兩傍謂五處承光通天絡却玉枕又次兩傍謂臨泣目
窻正營承靈腦空也上星在顙上直鼻中央入髮際同
身寸之一寸陽者中容豆刺可入同身寸之三分顙會
在上星後同身寸之一寸陷者中刺可入同身寸之四
分前頂在顙會後同身寸之一寸五分骨間陷者中刺
如顙會法百會在前頂後同身寸之一寸五分頂中央
旋毛中陷容指督脉足太陽脉之交會刺如上星法後
頂在百會後同身寸之二寸五分枕骨上刺如顙會法
然五者皆督脉氣所發也上星留六呼若灸者並可
灸五壯次兩傍穴五處在上星兩傍同身寸之一寸五
分承光在五處後同身寸之一寸通天在承光後同身
寸之一寸五分絡却在通天後同身寸之一寸五分玉
枕在絡却後同身寸之七分然是五者並足太陽脉氣
所發刺可入同身寸之三分五處通天各留七呼絡却

留五呼玉枕留三呼若灸者可灸三壯 新校正云按
甲乙經承光不灸玉枕刺入二分 又次兩傍臨泣在頭
直目上入髮際同身寸之五分足太陽少陽陽維三脉
之會日憲正營遞相去同身寸之一寸承靈腦空遞相
去同身寸之一寸五分然足五者並足少陽陽維二脉
之會腦空一穴刺可入同身寸之四分餘並可刺入同
身寸之三分臨泣留七
呼若灸者可灸五壯 大杼膺俞缺盆背俞此八者以

寫胃中之熱也

大杼在項第一椎下兩傍相去各同身
寸之一寸半陷者中督脉別絡手足太

陽三脉氣之會刺可入同身寸之三分留七呼若灸者
可灸五壯 新校正云按甲乙經并氣穴注作七壯刺
瘰注刺熱注作五壯 膺俞者膺中之俞也正名中府
在胸中行兩傍相去同身寸之六寸雲門下一寸乳上
三肋間動脉應手陷者中仰而取之手足太陰脉之會
刺可入同身寸之三分留五呼若灸者可灸五壯缺盆

在肩上一寸橫骨陷者中手陽明脉氣所發刺可入同身寸之二分留七呼若灸者可灸三壯背俞即風門熱府俞也在第二椎下兩傍各同身寸之一寸三分督脉足太陽之會刺可入同身寸之五分留七呼若灸者可灸五壯今中腧孔穴圖經雖不名之既曰風門熱府即治熱之背俞也 新校正云按王氏注刺熱論云背俞未詳何處注此指名風門熱府注氣穴論以大杼爲背俞三經不同者蓋亦疑之者也 氣街三里巨

虛上下廉此八者以寫胃中之熱也

氣街在腹齊下橫骨兩端鼠鼯上同

身寸之一寸動脉應手足陽明脉氣所發刺可入同身寸之三分留七呼若灸者可灸三壯 新校正云按氣街諸注不同具前水穴注中 三里在膝下同身寸之三寸肱外廉兩筋內分間足陽明脉之所入也刺可入同身寸之一寸留七呼若灸者可灸三壯巨虛上廉足陽明與大腸合在三里下同身寸之三寸足陽明脉氣

所發刺可入同身寸八分若灸者可灸三壯巨虛下廉足陽明與小腸合在上廉下同身寸之三寸足陽明脉氣所發刺可入同身寸之三分若灸者可灸三壯也

雲門髃骨委中髓空此八者

以寫四支之熱也

雲門在巨骨下胃中行兩傍相去同身寸之六寸動脉應手足太陰脉氣

所發

新校正云

按甲乙經同氣穴

注作手太陰刺熱

注亦作手太陰

舉臂取之刺可入同身寸之七分若

灸者可灸五壯驗今中謁孔穴屬經無髃骨穴有肩髃

穴穴在肩端兩骨間手陽明跨脉之會刺可入同身寸

之六分留六呼若灸者可灸三壯委中在足膝後屈處

髃中央約文中動脉足大陽脉之所入也刺可入同身

寸之五分留七呼若灸者可灸三壯按今中謁孔穴屬

經云腰俞穴一名髓空在脊中第二十一椎節下主汗

不出足清不仁腎脉氣所發也刺可入同身寸之二寸

留七呼若灸者可灸三壯新校正云詳腰俞刺入二

寸當作二分以具前水穴注中

五藏俞傍五此十者以寫五藏之熱也

俞傍五者謂魄戶神堂魂門意舍志室五穴俠脊兩傍各相去同身寸之三寸並足太陽脉氣所發也魄戶在第三椎下兩傍正坐取之刺可入同身寸之五分若灸者可灸五壯神堂在第五椎下兩傍刺可入同身寸之三分若灸者可灸五壯魂門在第九椎下兩傍正坐取之刺可入同身寸之五分若灸者可灸三壯意舍在第十一椎下兩傍正坐取之刺可入同身寸之五分若灸者可灸三壯志室在第十四椎下兩傍正坐取之刺可入同身寸之五分若灸者可灸五壯也

凡此五十九穴者皆熱之左右也

帝曰人傷於寒而傳爲熱何也歧伯曰夫寒盛則生熱

也

寒氣外凝陽氣內鬱腠理堅緻元府閉封緻則氣不宣通封則濕氣內結中外相薄寒盛熱生故人傷於

寒轉而爲熱汗之而愈則外凝內
鬱之理可知斯乃新病數日者也

黃帝內經素問卷十六

黃帝內經素問卷十六釋文

骨空論膊

音

膊

音

健

音

嚙

若結切

水熱穴論菟

音

閔

音

溜

力救切

毳

音

毳

馳二切

黃帝內經素問卷十六釋文

欽定四庫全書

黃帝內經素問卷十七

唐 王冰 次注

宋 林億等校正

調經論篇第六十二

新校正云按全元起本在第一卷

黃帝問曰余聞刺法言有餘寫之不足補之何謂有餘何謂不足岐伯對曰有餘有五不足亦有五帝欲何問帝曰願盡聞之岐伯曰神有餘有不足氣有餘有不足血有餘有不足形有餘有不足志有餘有不足凡此十

者其氣不等也

神屬心氣屬肺血屬肝形屬脾志屬腎以各有所宗故不等也

帝曰人

有精氣津液四支九竅五藏十六部三百六十五節乃

生百病百病之生皆有虛實今夫子乃言有餘有五不

足亦有五何以生之乎

鍼經曰兩神相薄合而成形常先身生是謂精上焦開發宣五

穀味熏膚充身澤毛若霧露之溉是謂氣腠理發泄汗

出腠理是謂津液之滲於空竅留而不行者為液也十

六部者謂手足二九竅九五藏五合為十六部也三百六十五節者非謂骨節是神氣出入之處也鍼經曰所

謂節之交三百六十五會皆神氣出入遊行之所非骨

節也言人身所有則多所舉則少病生之數何以論之

岐伯曰皆生於五藏也

謂五神藏也

夫心藏神肺藏氣肝藏

血脾藏肉腎藏志而此成形

言所以病皆生於五藏者何哉以內藏五神而成形

也志意通內連骨髓而成身形五藏

志意者通言五神之犬凡也骨髓者

通言表裏之成化也言五神通泰骨髓化成身形既立乃五藏互相爲有矣新校正云按甲乙經無五藏二字

五藏之道皆出於經隧以行血氣血氣不和百病乃

變化而生是故守經隧焉

隧潛道也經脉伏行而不見故謂之經隧焉血氣者人之

神邪侵之則血氣不正血氣不正故變化而百病乃生矣然經脉者所以決死生處百病調虛實故守經隧焉

新校正云按甲乙經帝曰神有餘不足何如歧伯曰神

有餘則笑不休神不足則悲

心之藏也鍼經曰心藏脉舍神心氣虛則悲實則

笑不休也悲一爲憂誤也新校正云詳王注云悲一爲憂誤也按甲乙經及太素并全元起注本並作憂皇甫士安云心虛則悲悲則憂心實則笑笑則喜夫心之與肺脾之與心互相成也故喜發於心而成於肺思發於脾而成於心一過其節則二藏俱傷楊上善云關脾之憂在心變動也肺之憂在肺之志是則肺主秋憂爲正也心主於夏變而生憂也 血氣未并五藏安定邪客於形洒淅起

於毫毛未入於經絡也故命曰神之微

并謂并合也未與邪合故曰未

并也洒淅寒兒也始起於毫毛尚在於小絡神之微病故命曰神之微也新校正云按甲乙經洒淅作悽厥太素作洒淅楊上善云洒毛孔也水逆源帝曰補寫柰

何歧伯曰神有餘則寫其小絡之血出血勿之深斥無

中其大經神氣乃平

邪入小絡故可寫其小絡之脉出其血勿深推鍼鍼深則傷肉也以

邪居小絡故不欲令鍼中大經也絡血既出神氣自平斥推也小絡孫絡也鍼經曰經脉爲裏支而橫者爲絡

絡之別者爲孫絡平謂平調也 新校正云詳此注引

鍼經曰與三部九候論注兩引之在彼云靈樞而此曰

鍼經則王氏之意指靈樞爲鍼經也按今素問注中引

鍼經者多靈樞之文但以靈樞今不全故未得盡知也

神不足者視其虛絡按而致之刺而利之無出其血無

泄其氣以通其經神氣乃平

但通經脉令其和利抑按虛絡令其氣致以神不足

故不欲出血及泄氣也

新校

帝曰刺微柰何

覆前初起於毫

正云按甲乙經按作切利作和

毛未入於經絡者

歧伯曰按摩勿釋著鍼勿斥移氣於不足神

乃得復

按摩其病處手不釋散者鍼於病處亦不推之使其人神氣內朝於鍼移其人神氣令自充足

則微病自去神氣乃得復常 新校正云按甲乙經及太素云移氣於足無不字楊上善云按摩使氣至於踵

也 帝曰善有餘不足奈何岐伯曰氣有餘則喘欬上氣

不足則息利少氣

肺之藏也肺藏氣息不利則喘鍼經曰肺氣虛則鼻息利少氣實則喘喝

胃憑仰息也

血氣未并五藏安定皮膚微病命曰白氣微泄

肺合脾其色白故皮膚微病命曰白氣微泄

帝曰補寫奈何岐伯曰氣有餘

則寫其經隧無傷其經無出其血無泄其氣不足則補

其經隧無出其氣

氣謂榮氣也鍼寫若傷其經則血出而榮氣泄脫故不欲出血泄氣但寫

其衛氣而已鍼補則又宜謹閉穴俞然其衛氣亦不欲
泄之新校正云按揚上善云經隧者手太陰之別從
手太陰走手陽明乃是手太陰向手陽明之道欲道藏
府陰陽故補寫皆從正經別走之絡寫其陰經別走之
路不得傷其正經也帝曰刺微柰何覆前白氣微泄者歧伯曰按摩勿釋

出鍼視之曰我將深之適人必革精氣自伏邪氣散亂

無所休息氣泄腠理真氣乃相得

亦謂按摩其病處也革皮也我將深之適

人必革者謂其深而淺刺之也如是脇從則人懷懼色
故精氣潛伏也以其調適於皮精氣潛伏邪無所據故
亂散而無所休息發泄於腠理也邪氣既泄真氣乃與
皮腠相得矣新校正云按揚上善云革改也夫人聞樂
至則身心忻悅聞痛及體情必改異忻悅則
百體俱縱改革則情志必拒拒則邪氣消伏帝曰善血

有餘不足柰何歧伯曰血有餘則怒不足則恐

肝之藏也鐵經

曰肝藏血肝氣虛則恐實則怒按全元起本恐作悲甲乙經及太素並同

新校正云

血氣未并

五藏安定孫絡水溢則經有留血

絡有邪盛則入於經故云孫絡水溢則經

有留血

帝曰補寫柰何歧伯曰血有餘則寫其盛經出其

血不足則視其虛經內鍼其脉中久留而視

新校正云按甲乙經

云久留之血至太素同

脉大疾出其鍼無令血泄

脉盛滿則血有餘故出之經氣

虛則血不足故無令血泄也久留疾出是謂補之鍼解篇曰徐而疾則實義與此同

帝曰刺留血

柰何歧伯曰視其血絡刺出其血無令惡血得入於經

以成其疾

血絡滿者刺按出之則惡色之血不得入於經脉

帝曰善形有餘不

足柰何岐伯曰形有餘則腹脹溼洩不利不足則四支

不用

脾之藏也鉞經曰脾氣虛則四支不用五藏不安實則腹脹溼洩不利溼大便秘洩小便也

新校正

云按揚上善云溼作經婦人月經也

血氣未并五藏安定肌肉蠕動命曰

微風

和薄肉分衛氣不通陽氣內鼓故肉蠕動

新校正

帝曰補寫柰何岐伯曰形有餘則寫其陽經不足則補

其陽絡

并胃之經絡

帝曰刺微柰何岐伯曰取分肉間無中

其經無傷其絡衛氣得復邪氣乃索

衛氣者所以溫分肉而充皮膚肥腠

理而同開闢故肉蠕動即取分肉間但開肉分以出其邪故無中其經無傷其絡衛氣復舊而邪氣盡索散盡也

帝曰善志有餘不足奈何歧伯曰志有餘則腹脹殭

泄不足則厥

腎之藏也鍼經曰腎藏精精含志腎氣虛則厥實則脈脹謂脈起厥謂逆行上衝也

足少陰脈下行令氣不足故隨衝脈逆行而上衝也

血氣未并五藏安定骨節有

動

腎合骨故骨有邪薄則骨節段動或骨節之中如有物鼓動之也

帝曰補寫奈何歧

伯曰志有餘則寫然筋血者

新校正云按甲乙經及太素云寫然筋血者出其血

揚上善云然筋當是然谷下筋再詳諸處引然谷者多云然骨之前血者疑少骨之二字前字誤作筋字不足則補其復溜

然謂然谷足少陰榮也在內踝之前大骨之下陷者中血絡盛則泄之其刺可

入同身寸之三分留三呼若灸者可灸三壯復瀉足少陰經也在內踝上同身寸之二寸陷者中刺可入同身寸之三分留三呼若灸者可灸五壯

帝曰刺未并柰何歧伯曰即取之無

中其經邪所乃能立虛

不求穴俞而直取居邪之處故云即取之新校正云按甲乙

經邪所作以去其邪

帝曰善余已聞虛實之形不知其何以生歧

伯曰氣血以并陰陽相傾氣亂於衛血逆於經血氣離

居一實一虛

衛行脈外故氣亂於衛血行經內故血逆於經血氣不和故一虛一實

血并

於陰氣并於陽故爲驚狂

氣并於陽則陽氣外盛故爲驚狂

血并於陽

氣并於陰乃爲炅中

氣并於陰則陽氣內盛故爲熱中是熱也

血并於上氣

并於下心煩惋善怒血并於下氣并於上亂而喜忘上

謂

謂上下

帝曰血并於陰氣并於陽如是血氣離居何者

爲實何者爲虛歧伯曰血氣者喜溫而惡寒寒則泣不

能流溫則消而去之

泣謂如雲在水中凝住而不行去也

是故氣之所并

爲血虛血之所并爲氣虛

氣并於血則血少故血虛血并於氣則氣少故氣虛

帝

曰人之所有者血與氣耳今夫子乃言血并爲虛氣并

爲虛是無實乎歧伯曰有者爲實無者爲虛

氣并於血則血无血

并於氣則氣无

故氣并則無血血并則無氣今血與氣相失故

爲虛焉

氣并于血則血失其氣血并于氣則氣失其血故曰血與氣相失

絡之與孫脉

俱輸於經血與氣并則爲實焉血之與氣并走於上則爲大厥厥則暴死氣復反則生不反則死帝曰實者何道從來虛者何道從去虛實之要願聞其故岐伯曰夫陰與陽皆有俞會陽注於陰陰滿之外陰陽勻平以充其形九候若一命曰平人

平人謂平和之人

夫和之生也或生

於陰或生於陽其生於陽者得之風雨寒暑其生於陰者得之飲食居處陰陽喜怒帝曰風雨之傷人柰何岐

伯曰風雨之傷人也先客於皮膚傳入於孫脉孫脉滿則傳入於絡脉絡脉滿則輸於大經脉血氣與邪并客於分腠之間其脉堅大故曰實實者外堅充滿不可按之按之則痛帝曰寒濕之傷人柰何岐伯曰寒濕之中人也皮膚不收

新校正云按全元起云不收不仁也甲乙經及太素云皮膚收無不字

肌

肉堅緊榮血泣衛氣去故曰虛虛者聶辟氣不足按之

則氣足以溫之故快然而不痛

聶謂聶鍼辟謂辟疊也新校正云按甲乙經

作攝辟太素作攝辟

帝曰善陰之生實柰何

實謂邪氣盛也

岐伯曰喜怒

不節則陰氣上逆上逆則下虛下虛則陽氣走之故曰

實矣

新校正云按經云喜怒不節則陰氣上逆疑刺喜字

帝曰陰之生虛柰何

謂虛

精氣奪也

岐伯曰喜則氣下悲則氣消消則脉虛空因寒飲

食寒氣熏滿

新校正云按甲乙經作動藏

則血泣氣去故曰虛矣帝

曰經言陽虛則外寒陰虛則內熱陽盛則外熱陰盛則

內寒余已聞之矣不知其所由然也

經言謂上古經言也

岐伯曰

陽受氣於上焦以溫皮膚分肉之間令寒氣在外則上

焦不通上焦不通則寒氣獨留於外故寒慄

慄謂振慄也

帝

曰陰虛生內熱柰何岐伯曰有所勞倦形氣衰少穀氣

不盛上焦不行下脘不通

新校正云按甲乙經作下焦不通

胃氣熱熱

氣熏胃中故內熱

甚用其力致勞倦也貪役不食故穀氣不盛也

帝曰陽盛生

外熱柰何岐伯曰上焦不通利則皮膚緻密腠理閉塞

玄府不通

新校正云按甲乙經及太素无玄府二字

衛氣不得泄越故外熱

外傷寒毒內薄諸陽寒外盛則皮膚收皮膚收則腠理密故衛氣稽聚无所流行矣寒氣外薄陽氣內爭積火

內喘故生外熱也

帝曰陰盛生內寒柰何岐伯曰厥氣上逆寒

氣積於胃中而不寫不寫則溫氣去寒獨留則血凝泣

凝則脉不通

新校正云按甲乙經作腠理不通

其脉盛大以濇故中寒

溫氣謂陽氣也陰逆內滿則陽氣去于皮外也

帝曰陰與陽并血氣以并病形

以成刺之柰何歧伯曰刺此者取之經隧取血於營取

氣於衛用形哉因四時多少高下

營主血陰氣也衛主氣陽氣也夫行鍼之

道必先知形之長短骨之廣狹循三備法通計身形以施分寸故曰用形也四時多少高下具在下篇

帝

曰血氣以并病形以成陰陽相傾補寫柰何歧伯曰寫

實者氣盛乃內鍼鍼與氣俱內以開其門如利其戶鍼

與氣俱出精氣不傷邪氣乃下外門不閉以出其疾搖

大其道如利其路是謂大寫必切而出大氣乃屈

言欲開其

穴而泄其氣也切謂急也言急出其鍼也鍼解篇曰疾而徐則虛者疾出鍼而徐按之也大氣謂大邪氣也屈

謂退屈也

帝曰補虛柰何岐伯曰持鍼勿置以定其意候呼

內鍼氣出鍼入鍼空四塞精無從去方實而疾出鍼氣

入鍼出熱不得還閉塞其門邪氣布散精氣乃得存動

氣候時

新校正云按甲乙經作動無後時

近氣不失遠氣乃來是謂追

之

言但密閉穴俞勿令其氣散泄也近氣謂已至之氣遠氣謂未至之氣也欲動經氣而爲補補者皆必候

水刺氣之所在而刺之是謂得時而調之追言補也鍼經曰追而濟之安得無實則此謂也

帝曰夫

子言虛實者有十生於五藏五藏五脉耳夫十二經脉

皆生其病

新校正云按甲乙經云皆生百病太素同

今夫子獨言五藏夫十

二經脉者皆絡三百六十五節節有病必被經脉經脉

之病皆有虛實何以合之岐伯曰五藏者故得六府與

爲表裏經絡支節各生虛實其病所居隨而調之

從其左右

經氣支節而調之

病在脉調之血

脉者血之府脉實血實脉虛血虛由此脉病而調之血也

新校正云按全元起本及甲乙經云病在血調之脉

病在血調之絡

血病則絡脉易故調之於

絡也病在氣調之衛

衛主氣故氣病而調之衛也

病在肉調之分肉

侯寒

熱而取之

病在筋調之筋

通緩急而刺熨之

病在骨調之骨

察輕重而調之

燔鍼劫刺其下及與急者

調筋法也筋急則燒鍼而劫刺之

病在骨焮

鍼藥熨

調骨法也焮鍼火鍼也

病不知所痛兩蹻爲上

兩蹻謂陰陽蹻脈陰

蹻之脈出於照海陽蹻之脈出於申脈申脈在足外踝下陷者中容爪甲新校正云按刺腰痛注云在踝下

五分刺可入同身寸之三分留六呼若灸者可灸三

壯照海在足內踝下刺可入同身寸之四分留六呼若

灸者可灸三壯
身形有痛九候莫病則繆刺之

莫病謂無病也繆刺者刺絡脈

左痛刺右
右痛刺左
痛在於左而右脈病者巨刺之

巨刺者刺經脈左痛刺

右痛
刺左
必謹察其九候鍼道備矣

黃帝內經素問卷十七

黃帝內經素問卷十七釋文

調經論隧

音

遂殄

音

孫燭

音

煩

黃帝內經素問卷十七釋文

欽定四庫全書

黃帝內經素問卷十八

唐 王冰 次注

宋 林億等校正

繆刺論

四時刺逆從論

標本病傳論

繆刺論篇第六十三

新校正云按全元起本在第二卷

黃帝問曰余聞繆刺未得其意何謂繆刺

繆刺言所刺之穴應用如

純繆網紀也

岐伯對曰夫邪之客於形也必先舍於皮毛留

而不去入舍於孫脈留而不去入舍於絡脈留而不去入舍於經脈內連五藏散於腸胃陰陽俱感五藏乃傷此邪之從皮毛而入極於五藏之次也如此則治其經焉今邪客於皮毛入舍於孫絡留而不去閉塞不通不得入於經流溢於大絡而生奇病也

病在血絡是謂奇邪
新校正云按

全元起云大絡十五絡也

夫邪客大絡者左注右右注左上下左右

與經相干而布於四末其氣無常處不入於經俞命曰

繆刺

四末謂四支也

帝曰願聞繆刺以左取右以右取左奈何

其與巨刺何以別之岐伯曰邪客於經左盛則右病右

盛則左病亦有移易者

新校正云按甲乙經作病易且移

左痛未已而

右脉先病如此者必巨刺之必中其經非絡脉也

先病者謂

彼痛未止而此先病以承之

故絡病者其痛與經脉繆處故命曰繆

刺

絡謂正經之傍支非正別也亦兼公孫飛揚等之別絡也新校正云按王氏云非正別也按本論邪客

足太陰絡令人腰痛注引縱解合陽明上絡蓋貫舌中乃太陰之正也亦是兼脉之正安得謂之非正別也

帝曰願聞繆刺奈何取之何如岐伯曰邪客於足少陰

之絡令人卒心痛暴脹胃脇支滿

以其絡支別者並正經從腎上貫肝鬲走

於心包故邪客之則病如是無積者刺然骨之前出血如食頃而已

然骨之前然谷穴也在足內踝前起大骨下陷者中足少陰榮也刺可入同身寸之三分留三呼若灸者可灸

三壯刺此多見血不已左取右右取左言痛在左取之右痛在右取之

左餘如病新發者取五日已素有此病而新發先刺之五日乃盡已邪客

於手少陽之絡令人喉痺舌卷口乾心煩臂外廉痛手不

及頭以其脉循手表出臂外上肩入缺盆布臆中散絡心包其支者從臆中上出缺盆上項又心主其舌

故病刺手中指次指爪甲上去端如韭葉各一痛謂關衝穴

少陽之井也刺可入同身寸之一分留三呼若灸者可灸三壯左右手皆刺之故言各一痛痛瘡也新校正

云按甲乙經關衝穴出手小指次指之端今言中指者誤也

壯者立已老者有頃已

左取右右取左此新病數日已邪客於足厥陰之絡令

人卒疝暴痛

以其絡去內踝上同身寸之五寸別走少陽其支別者循脛上臑絡於莖故令人卒

疝暴痛舉陰丸也

刺足大指爪甲上與肉交者各一疳

謂大敦穴足大

指之端去爪甲角如韭葉厥陰之井也刺可入同身寸之三分留十呼若灸者可灸三壯

男子立已

女子有頃已左取右右取左邪客於足太陽之絡令人

頭項肩痛

以其經之正者從腦出別下項支別者從髀內左右別下又其絡自足上行循背上頭故

項頭肩痛也新校正云按甲乙經云其支者從顛入絡腦還出別下項王氏云經之正者正當作支

刺

足小指爪甲上與肉交者各一痛立已

謂至陰穴太陽之井也刺可入

同身寸之一分留五呼若灸者可灸三壯

新校正

不

云按甲乙經云在足小指外側去爪甲角如韭葉

已刺外踝下三痛左取右右取左如食頃已

謂金門穴足太陽郄

也在外踝下刺可入同身寸之三分若灸者可灸三壯

邪客於手陽明之絡令人

氣滿胃中喘息而支脰胃中熱

以其經自肩端入跗盆絡脈其支別者從跗盆

中直而上頸故病如是

刺手大指次指爪甲上去端如韭葉各一

痛左取右右取左如食頃已

謂商陽穴手陽明之井也刺可入同身寸之一分留

一呼若灸者可灸一壯
新校正云按甲乙經云商陽在手大指次指內側去爪甲角如韭葉

邪客於

臂掌之間不可得屈刺其踝後

新校正云按全元起云是人之本節踝也

先以指按之痛乃刺之以月死生爲數月生一日一瘡

二日二瘡十五日十五瘡十六日十四瘡

隨日數也月半已前謂之

生月半以後謂之死虧滿而異也

邪客於足陽蹻之脉令人目痛從內

皆始

以其脉起於足上行至頭而屬目內眥故病令人目痛從內眥始也何以明之八十一難經曰陽蹻

脉者起於跟中循外踝上行入風池鍼經曰陰蹻脉入臑屬目內眥合於太陽陽蹻而上行尋此則至於目內

眥刺外踝之下半寸所各二瘡

謂中脉穴陽蹻之所生也

爪甲刺可入同身寸之三分留六呼若灸者可灸三壯

左刺

右右刺左如行十里頃而已人有所墮墜惡血留內腹

中滿脹不得前後先飲利藥此上傷厥陰之脉下傷少

陰之絡刺足內踝之下然骨之前血脉出血

此少陰之絡也新

校正云詳血脉出血脉字疑是絡字

刺足跗上動脉

謂衝陽穴胃之原也刺可入同身寸之三

分留十呼若灸者可灸三壯主腹大不嗜食以腹脹滿故爾取之

不已刺三毛上各一

痛見血立已左刺右右刺左

謂大敦穴厥陰之井也

善悲驚不樂

刺如右方

善悲驚不樂亦如上法刺之

邪客於手陽明之絡令人耳

聾時不聞音

以其經支者從缺盆上頸貫頰又其絡支別者入耳會於宗脉故病令人耳聾時不

聞刺手大指次指爪甲上去端如韭葉各一瘡立聞同

前商聲不已刺中指爪甲上與肉交者立聞謂中衝穴手

在手陽穴中指之端去爪甲如韭葉陷者中刺可入同身寸

之一分留三呼若灸者可灸三壯古經脫簡無絡可尋之

恐是刺小指爪甲上與肉交者也何以言之下文云手

少陰絡會於耳中也若小指之端是謂少衝手少陰之

井刺可入同身寸之一分留一呼若灸者可灸一壯

新校正云按王氏云恐是小指爪甲上少衝穴按甲乙

經手心主之正上循喉嚨出耳後合少陽完骨

之下如是則安得不刺中衝而疑爲少衝也

其不時聞者不可刺也不時聞者絡氣已絕故不可刺

耳中生風者亦刺之如此數左刺右右刺左凡痺往來行無常處者在分肉間

痛而刺之以月死生爲數用針者隨氣盛衰以爲痛數

針過其日數則脫氣不及日數則氣不寫左刺右右刺

左病已止不已復刺之如法

言所以約月死生爲數者何以隨氣之盛衰也月

生一日一痛二日二痛漸多之十五日十五痛十六日

十四痛漸少之

如是刺之則無過數無不及也

邪客於足陽明之經令

人軌衄上齒寒

以其脉起於鼻交頰中下循鼻外入上齒中還出俠口環唇下交承漿却循頤

後下廉出大迎循頰車上耳前故病令人軌衄上齒寒也復以其脉左右交於面部故舉經脉之病以明繆處

之類故下文云

新校正云按全元起本與甲乙經陽明之經作陽明之絡

刺足中指次指

爪甲上與肉交者各一痛左刺右刺左

中當爲大亦傳寫中大之

誤也據靈樞經孔穴圖經中指次指爪甲上無穴當言刺大指次指爪甲上乃厲兌穴陽明之井不當更有次指二字也厲兌者刺可入同身寸之一分留一呼若灸者可灸一壯
新校正云按甲乙經云刺足中指爪甲上無次指二字蓋以大指次指爲中指義與王注同下文云足陽明中指爪甲上亦謂此穴也厲兌在足大指次指之端去爪甲角如韭葉
邪客於足少陽之絡令人脇痛不得息

欬而汗出

以其脉支別者從目銳眥下大迎合手少陽於頰下加頰車下頸合缺盆以下胃中貫鬲

絡肝膽循脇故令人脇痛欬而汗出

刺足小指次指爪甲上與肉交者各

一痛

謂竅陰穴少陽之井也刺可入同身寸之一分留一呼若灸者可灸三壯
新校正云按甲乙經竅

陰在足小指次指之端去小甲角如韭葉

不得息立已汗出立止欬者溫衣

飲食一日已左刺右右刺左病立已不已復刺如法邪

客於足少陰之絡令人噤痛不可內食無故善怒氣上

走贄上

以其經支別者從肺出絡心注胃中又其正經從腎上貫肝鬲入肺中循喉嚨俠舌本故病令

人噤乾痛不可內食無故善怒氣上走贄上也贄謂氣奔也新校正云詳王注以贄上爲氣奔者非按難經胃

爲贄門楊玄操云贄鬲也是氣上走鬲上也經既云氣上走安得更以贄爲奔上之解邪

刺足下中

央之脉各三痛凡六刺立已左刺右右刺左

謂湧泉穴少陰之井

也在足心陷者中屈足蹠指宛宛中刺可入同身寸之三分留三呼若灸者可灸三壯

噤中腫不

能內唾時不能出唾者刺然骨之前出血立已左刺右

右刺左

亦足少陰之絡也以其絡並大經喉嚨故爾刺之此二十九字本錯簡在邪客手足少陰太陰

足陽明之絡前今遷於此新校正云詳王注以其絡並大經循喉嚨差互按甲乙經足少陰之絡並經上走心包少陰之經循喉嚨今王氏之注經與絡交互當以甲乙經爲正也

邪客於足太陰之

絡令人腰痛引少腹控臑不可以仰息

足太陰之絡從臑合陽明上貫

尻骨中與厥陰少陽結於下髻而循尻骨內入腹上絡噤貫舌中故腰痛則引少腹控於臑中也臑謂季脇下之空軟處也受邪氣則絡拘急故不可以仰伸而喘息也刺腰痛篇中無息字新校正云詳王注云足太陰之絡按甲乙經乃太陰之正非刺腰尻之解兩胛之上絡也王氏謂之絡者未詳其旨

是腰俞以月死生爲疇數發鍼立已左刺右右刺左

腰尻

骨間曰解當中有腰俞刺可入同身寸之二寸

新校正

云按氣府論注作二分刺熱論注作二分水穴篇注作

二分熱穴篇注作二寸甲乙經作二寸

留七呼主與

經同中誥孔穴經云左取右右取左穴當中不應爾也

次腰下俠尻有骨空各四皆主腰痛下髀主與經同是

足太陰厥陰少陽所結刺可入同身寸之二寸留十呼

若灸者可灸三壯脾謂兩髀脾也腰俞髀伸皆當取之

也新校正云按此和客足太陰之絡并刺法一項已

見刺腰痛篇中被注甚詳此特多是腰俞三字耳別按

全元起本舊無此三字王氏頗知腰俞無左右取之理

而注之而不知

和客於足太陽之絡令人拘攣背急引

全元起本舊無

脇而痛

以其經從踝內左右別下貫脾合膈中故病令人拘攣背急引脇而痛

新校正云按全元起

本及甲乙經引脇而痛
下更云內引心而痛

刺之從項始數脊椎俠脊疾按

之應手如痛刺之傍三痛立已

從項始數脊椎者謂從大椎數之至第二椎兩

傍各同身寸之一寸五分內循脊兩傍按之有痛應手則邪客之處也隨痛應手深淺即而刺之邪客在脊骨兩傍故言邪客於足少陽之絡令人留於樞中痛髀不

可舉

以其經出氣街繞髻際橫入髀厭中故痛令刺樞人留於髀樞後痛解不可舉也樞謂髀樞也刺樞

中以毫鍼寒則久留鍼以月死生爲數立已

髀樞之後則環鈹穴

也正在髀樞後故言刺髀樞後也環鈹者足少陽脉氣所發刺可入同身寸之一寸留二十呼若灸者可灸三壯毫鍼者第七鍼也新校正云按甲乙經環鈹在髀樞中氣穴論云在兩髀厭分中此經云刺樞中而王氏

以謂髀樞之
後者誤也

治諸經刺之所過者不病則繆刺之

王言也經

不病則邪在絡故繆刺之若經所
過有病是則經病不當繆刺矣

耳聾刺手陽明不已

刺其通脉出耳前者

手陽明謂前手大指次指去端如
韭葉者是謂商陽據中腧孔穴

國經手陽明脉中商陽合谷陽谿偏歷四穴並主耳聾
今經所指謂前商陽不謂此合谷等穴也耳前通脉手
陽明脉正當聽會之分刺入同
身寸之四分若灸者可灸三壯齒齲刺手陽明不已刺

其脉入齒中立已

據甲乙流注圖經手陽明脉中商陽
二間三間合谷陽谿偏歷溫留七穴

並主齒痛手陽明脉貫頰入下齒
中足陽明脉循鼻外入上齒中也邪客於五藏之間其

病也脉引而痛時來時止視其病繆刺之於手足爪甲

上

各刺其井左取右右取左

視其脉出其血間日一刺一刺不已五

刺已

有血脉者則刺之如此數

繆傳引上齒齒唇寒痛視其手背脉

血者去之

若病繆傳而引上齒齒唇寒痛者刺手背陽明絡也

足陽明中指爪甲

上一痛手大指次指爪甲上各一痛立已左取右右取

左

謂第二指厲兌穴也手大指次指謂商陽穴手陽明井也鍼經曰齒痛不惡清飲取足陽明惡清飲取手

陽明新校正云詳前文邪客足陽明刺中指次指爪甲上是誤刺次指二字當如此只言中指爪甲上乃是

也邪客於手足少陰太陰足陽明之絡此五絡皆會於

耳中上絡左角

手少陰真心脉足少陰腎脉手太陰肺脉足太陰脾脉足陽明胃脉此五絡皆

會於耳中而出
絡左額角也

五絡俱竭令人身脉皆動而形無知也

其狀若尸或曰尸厥

言其卒冒悶而如死尸身脉猶如常人而動也然陰氣盛於上則下

氣熏上而邪氣逆邪氣逆則陽氣亂陽氣亂則五絡閉結而不通故其狀若尸也以是從厥而生故或曰尸厥

刺其足大指內側爪甲上去端如韭葉

謂隱白穴足太陰之井也刺可

入同身寸之一分留三呼若灸者可灸三壯

後刺足心

謂涌泉穴足少陰之井也刺同前取涌泉

穴後刺足中指爪甲上各一痛

謂第二指足陽明之井也刺同前取厲兌穴法

後刺手大指內側去端如韭葉

謂少商穴手太陰之井也刺可入同身寸之一

分留三呼若灸者可灸三壯

後刺手心主

謂中衝穴手心主之井也刺可入同身寸之一分留

三呼若灸者可灸一壯 新校正云按甲乙經不及手
心主詳此五絡之數亦不及手心主而此刺之是有六
絡未會王冰相隨注 少陰銳骨之端各一痛立已 謂神

之不在掌後銳骨之端陷者中手少陰之俞也刺可
入同身寸之三分留三呼若灸者可灸三壯 不已以

竹管吹其兩耳 言使氣入耳中內助五絡令氣復通也
當內管入耳以手密擗之勿令氣泄而

極吹之氣覺然從絡脉通也 新校正云按陶
隱居云吹其左耳極三度復吹其右耳三度也 鬢其左

角之髮方一寸燭治飲以美酒一杯不能飲者灌之立

已 左角之髮是五絡血之餘故鬢之燭治飲之以美酒
也酒者所以行藥勢又灸上而內走於心心主脉故

以美酒服之 凡刺之數先視其經脉切而從之審其虛實而

調之不調者經刺之有痛而經不病者繆刺之因視其皮部有血絡者盡取之此繆刺之數也

四時刺逆從論篇第六十四

新校正云按厥陰有餘至筋急目痛全元起本在篇

六卷春氣在經脉至篇末全元起本在第一卷

厥陰有餘病陰痺

痺謂痛也陰謂寒也有餘謂厥陰氣盛滿故陰發於外而爲寒痺新校

正云詳王氏以痺爲痛未通

不足病生熱痺

陰不足則陽有餘故爲熱痺

滑則病

狐疝風瀉則病少腹積氣

厥陰脉循股陰入髦中環陰器抵少腹又其絡支別者循

脛上畢結於莖故爲狐疝少腹積氣也新校正云按楊上善云狐夜不得尿日出方得人之所病與狐同故

曰孤疝一曰孤疝謂三焦孤府爲疝故曰孤疝少陰有餘病皮痺隱軫不足病

肺痺

腎水逆連於肺母故也足少陰脈從腎上貫肝

滑

則病肺風疝澹則病積澹血

以其正經入肺貫腎絡膀胱故爲肺疝及積澹血也

太陰有餘病肉痺寒中不足病脾痺

脾主肉故如是

滑則病脾

風疝澹則病積心腹時滿

太陰之脈入腹屬脾絡胃其支別者復從胃別上膈注心

中故爲脾疝心腹時滿也

陽明有餘病脉痺身時熱不足病心痺

胃

餘則上歸於心不足則心下痺故爲是

滑則病心風疝澹則病積時善驚

心主之脉起於胃中出屬心包下

太陽有餘病骨痺身

重不足病腎痺

太陽與少陰爲表裏故有餘不足皆病歸於腎也

滑則病腎風

疝瘻則病積善時巔疾

太陽之脉交於巔上入絡腦下循督絡腎故爲腎風及巔病也

少

陽有餘病筋痺脇滿不足病肝痺

少陽與厥陰爲表裏故病歸於脾

滑

則病肝風疝瘻則病積時筋急目痛

肝主筋故時筋急厥陰之脉上出額

與督脉會於巔其支別者從目系下頰裏故目痛

是故春氣在經脉夏氣在孫

絡長夏氣在肌肉秋氣在皮膚冬氣在骨髓中帝曰余

願聞其故岐伯曰春者天氣始開地氣始泄凍解冰釋

水行經通故人氣在脉夏者經滿氣溢入孫絡受血皮

膚充實長夏者經絡皆盛內溢肌中秋者天氣始收腠

理閉塞皮膚引急

引謂牽引以縮急也

冬者蓋藏血氣在中內著

骨髓通於五藏是故邪氣者常隨四時之氣血而入客

也至其變化不可爲度然必從其經氣辟除其邪除其

邪則亂氣不生

得氣而調故不亂

帝曰逆四時而生亂氣柰何

岐伯曰春刺絡脉血氣外溢令人少氣

血氣溢於外則中不足故少氣

新校正云按自春刺絡脉至今人目不明與詠要經終論義同文異彼注甚詳於此彼分四時此分五時然此有長夏刺肌肉之分而逐時各關刺秋分春刺肌肉血之事疑此肌肉之分即彼秋皮膚之分也

春刺肌肉血

氣環逆令人上氣

血逆氣上故上氣
正云按經關春刺秋分

新校

春刺筋骨

血氣內著令人腹脹

內著不散故脹

夏刺經脉血氣乃竭令人

解仰

血氣竭少故解仰然不可名之也
解仰謂寒不寒熱不熱壯不壯弱不弱故不可名之也

夏刺

肌肉血氣內却令人善恐

却閉也血氣內閉則陽氣不通故善恐

夏刺筋

骨血氣上逆令人善怒

血氣上逆則怒氣相應故善怒
新校正云按經關夏刺秋分

秋刺經脉血氣上逆令人善忘

血氣上逆滿於肺中故善忘

秋刺絡

脉氣不外行

新校正云按別本作血氣不行
金元起本作氣不衛外太素同

令人卧不

欲動

以虛甚故
按經關秋刺長夏分
新校正云

秋刺筋骨血氣內散令人

寒慄

血氣內散則中氣虛故寒慄

冬刺經脉血氣皆脫令人目不明

以血氣無所營故也

冬刺絡脉內氣外泄留爲大痺冬刺肌肉陽

氣竭絕令人善忘

陽氣不壯至春而竭故善忘新校正云按經關冬刺秋分

凡此四

時刺者大逆之病

新校正云按全元起本作六經之病

不可不從也反之

則生亂氣相淫病焉

淫不次也不次而行如浸淫相染而生病也

故刺不知

四時之經病之所生以從爲逆正氣內亂與精相薄必

審九候正氣不亂精氣不轉

不轉謂不逆轉也

帝曰善刺五藏

中心一日死其動爲噫

診要經終論曰中心者環死刺禁論曰一日死其動爲噫

中

肝五日死其動爲語

診要經終論開而不論刺禁論曰中肝五日死其動爲語新校正

云按甲乙經語作欠

中肺三日死其動爲欬

診要經終論曰中肺五日死刺禁論曰中

肺三日死其動爲欬

中腎六日死

新校正云按甲乙經作三日死

其動爲噦欠

診要

經終論曰中腎七日死刺禁論曰中腎六日死其動爲噦新校正云按甲乙經無欠字

中脾十日

死

新校正云按甲乙經作十五日

其動爲吞

診要經終論曰中脾十日死刺禁論曰中脾十日死

其動爲吞然此三論皆歧伯之言而死日動變不同傳之誤也

刺傷人五藏必死其動

則依其藏之所變候知其死也

變謂氣動變也中心下至此並爲逆從重文也

標本病傳論篇第六十五

新校正云按全元起本在第二卷皮部論篇前

黃帝問曰病有標本刺有逆從柰何歧伯對曰凡刺之方必別陰陽前後相應逆從得施標本相移故曰有其

在標而求之於標有其在本而求之於本有其在本而

得病之情知治

大體則逆從皆可施必中焉

故知逆與從正行無間知標本者萬舉

萬當

道不疑惑識既深明則無問於人正行皆當

不知標本是謂妄行

識猶禍淺

道未高深舉且見違故行多妄

夫陰陽逆從標本之爲道也小而大言

一而知百病之害

著之至也言別陰陽知逆順法明著見精微觀其所舉則小尋其所利則

大以斯明著故言一而知百病之害

少而多淺而博可以言一而知百也

言少可以貫多舉淺可以料大者何法之明故非聖人之道孰能至於是耶故學之者猶可以言一而知百病

也博

大也以淺而知深察近而知遠言標與本易而勿及

雖事

極深玄人非咫尺略以淺近而悉貫之然標本之道雖易可爲言而世人識見無能及者

治反爲逆

治得爲從先病而後逆者治其本先逆而後病者治其

本先寒而後生病者治其本先病而後生寒者治其本

先熱而後生病者治其本先熱而後生中滿者治其標

先病而後泄者治其本先泄而後生他病者治其本必
且調之乃治其他病先病而後生中滿者治其標先中
滿而後煩心者治其本人有客氣有同氣

新校正云按
金元起本同

作固小大不利治其標小大利治其本

本先病標後
病必謹察之

病發

而有餘本而標之先治其本後治其標病發而不足標

而本之先治其標後治其本

本而標之謂有先病復有
後病也以其有餘故先治

其本後治其標也標而本之謂先發輕微緩者後
發重大急者以其不足故先治其標後治其本也謹察

間甚以意調之

間謂多也甚謂少也多謂多形證而輕
易少謂少形證而重難也以意調之謂

審量標本不足有餘非謂捨法而以意妄爲也

間者并行甚者獨行先小大不

利而後生病者治其本

并謂他脉共受邪氣而合病也獨爲一經受病而无異氣相參

也并甚則相傳傳急則亦死

夫病傳者心病先心痛

藏真通於心故心先痛

一

日而欬

心火勝金傳於肺也肺在變動爲欬故爾

三日脇支痛

肺金勝木傳於肝也以其

脉循脇肋故如是

五日閉塞不通身痛體重

肝木勝土傳於脾也脾性安鎮木氣

乘之故閉塞不通身痛體重

三日不已死

以勝相伐唯弱是從五藏四傷豈其能久故爲即死

冬夜半夏日中

謂正子午之時也或言冬夏有異非也晝夜之半事甚昭然新校正云按靈

樞經夫氣入藏病先發於心一日而之肺三日而之肝五日而之脾三日不已死冬夜半夏日中甲乙經曰病

先發於心心痛一日之肺而欬五日之肝肋支痛五日
之脾閉塞不通身病體重三日不已死冬夜半夏日中
詳素問言其病靈樞言其藏甲乙經又并
素問靈樞二經之文而病與藏兼舉之
肺病喘欬藏真

高於肺而主息故喘欬也
三日而脇支滿痛肺傳於肝
一日身重體痛肝傳

於脾五日而脹自傳於府
十日不已死冬日入夏日出孟冬之中日入

於申之八刻三分仲冬之中日入於申之七刻三分季
冬之中日入於申與孟月等孟夏之中日入於寅之八

刻一分仲夏之中日入於寅七刻三分
分季夏之中日入於寅與孟月等也
肝病頭目眩脇支

滿藏真散於肝脉內
連目脇故如是
三日體重身痛肝傳於肺
五日而脹自傳

於府三日腰脊少腹痛脛痠
謂胃傳於腎以其脉起於足循膈內出膈內廉上股內後

廉貫脊屬腎絡膀胱故如三日不已死冬日入新校正云按甲

是也腰為腎之府故腰痛
乙經作夏早食日入早晏如冬法也早食謂脾病身痛

體重藏真濡於脾而主肌肉故爾一日而脹自傳於府二日少腹腰痛

脛痠胃傳於腎三日背脇筋痛小便閉自傳於府及之脇也十日不已

死冬人定夏晏食人定謂申後二十五刻腎病少腹腰

脊痛藏真下於腎故如是三日背脇筋痛小便閉自傳於府新校正云

按靈樞經云之脇膀胱是也自傳於府及之脇也三日腹脹膀胱傳於小腸新校正云按甲乙經云

三日上之心心脹三日兩脇支痛府傳於藏新校正云按靈樞經云三日之小腸三日上

之心今云兩脇支痛是小
腸府傳心藏而發痛也
三日不已死冬大晨夏晏晡

大晨謂寅後九刻大明之時也
晏晡謂申後九刻向昏之時也
胃病脹滿以其脉循
五

日少腹腰脊痛胛痠
胃傳於腎
三日背脇筋痛小便閉自傳於府

及之
五日身體重
勝胱水府傳於脾也
新校正云按

心是勝胱傳心為相勝而身
體重今王氏言傳脾者誤也
六日不已死冬夜半後夏

日眈夜半後謂子後八刻丑正時也
日眈謂午後八刻未正時也
膀胱病小便閉以其

為津液之
府故爾
五日少腹脹腰脊痛胛痠
自歸於藏
一日腹脹腎復

傳於
小腸
一日身體痛小腸傳於脾
新校正云按靈樞經云一日上之心是府傳於藏也甲乙

經作之脾
與王注同

二日不已死冬雞鳴夏下晡

雞鳴謂早雞鳴
丑正之分也下

晡謂日下於晡時
申之後五刻也

諸病以次是相傳如是者皆有死期

不可刺

五藏相移皆如此有緩傳者有急傳者緩者或
一歲二歲三歲而死其次或三月若六月而死

急者一日二日三日四日或五六日而死則此類也尋
此病傳之法皆五行之氣考其日數理不相應夫以五
行爲紀以不勝之數傳於所勝者謂火傳於金當云一
日金傳於木當云二日木傳於土當云四日土傳於水
當云三日水傳於火當云五日也若以已勝之數傳於
不勝者則木三日傳於土土五日傳於水水一日傳於
火火二日傳於金金四日傳於水經之傳日似法三陰
三陽之氣玉機真藏論曰五藏相通移皆有次不治三
月若六月若三日若六日傳而當死此與同

也雖爾猶當臨病詳視日數方悉是非爾


間一藏止

新校正云按甲乙經无止字

及至三四藏者乃可刺也

謂間一藏止者謂隔過前一

藏而不更傳也則謂木傳土土傳水水傳火火傳金金傳木而止皆間隔一藏也及至三四藏者皆謂至前第三第四藏也諸至三藏者皆是其已不勝之氣也至四藏者皆至已所生之父母也不勝則不能爲害於彼所生則父子無剋伐之期氣順以行故刺之可矣



黃帝內經素問卷十八